

ብሪጣንያ፡ ሕክም አቃሊም ሰሚናራት ወዱ



ሕክም አቃሊም ኤሪትሮፒያ፡ እት የም 20 ጁላይ ዲብ መዳይን ኒውካሰል፡ ሊድሴ ሸፊልድ፡ ኖቲንግህም፡ ማንቸስተር፡ ኮቪንትሪ፡ በርሚንግህም ወለንደን ለመጽሐው እብ አምአት ለልትዐለቦ ኤሪትሮፒያ፡ ሰሚናር ወድዉ።

ለዲብ መዳይንት ለንደን ለጉብኣ ሰሚናር፡ ሓክም አቃሊም ግብለት አሰይድ ሀብተአብ ተሰፋጽዮን እትለ

አስመዐቶ ሓድረት ሓለት ለረከዘ ሸፊልድ፡ ዶር ወአበርካት እት ካርጅ ለነብሮ መዋጥኒን ዲብ ለትፈናተ መራሕል ተውዴሕ ሐቆለ ቀደመ፡ ፊድል ፈዛዐት ውቅል ወሄራር ሳብት፡ በራምጅ መቃውመት እንዴ አፍሸልን ዲብ ለሐሰት ወሰእየት ለበ መርሐለት ባጽሓም ክም ሀሌን ወድሐ።

መሻርከት እብ ጀህቶም፡ ለሰሚናር እብ አስእለት ወአራእ ሐቆለ ረዘቀዉ፡

በራምጅ መጋብህት ወገማል እግል ልትዐወት ዶሮም ክም ለአገዱ አከደዉ።

መስኦሊን አቃሊም ኤሪትሮፒያ እምበል እሊ፡ ምስል መስኦሊን ተናዚም ወመሓብር ወጠንመ እንዴ ትራክበዉ ክም ሀድገዉ፡ ምንለ ባካት ለበጽሐተን ሐብሬ አፍሀመት። ለበርናምጅ እብ ዕፌ ዓዳት ናይር ዐለ።

ኩልየት ዕሉም ማይ-ነፍሐ፡ 242 ደረሳይ እብ ዲግሪ አድሐረት

ኩልየት ዕሉም ማይ ነፍሐ፡ የም 22 ጁላይ እትለ ወዴቱ 16ይት ዐደት መድሐራት፡ 58 ምእታይት አዋልድ አንሳት ለልትረከበ ዲቦም 242 ደረሳይ እብ ዲግሪ አድሐረት።

ለመትድሕረት፡ 81 እብ ባዮሎጂ፡ 46 እብ ኬሚስትሪ፡ 34 እብ ስታቲስቲክስ፡ 23 እብ ፊዚክስ፡ 22 እብ ዐን-አርድ፡ ምርት እብ ዕሉም መክተበት ወሐብሬ፡ ምርት ህዩ እብ ሀንደሰት ወዐን-በሐር ቶም ድሩሶም ለአትመመዉ።

ወዚር አርድ፡ ማይ ወድዋር አሰይድ ተሰፋይ ገብሬሰላሴ እትለ አስመዐቶ ከሊመት፡ ለአግደ ሀደፍ ወራታት ዋወር ደረሰ ወአድረሶት፡ አፍካር መዋጥኒን እብ ረተቦት፡ እትፋቀ ወጠንዩት፡ መስከብት፡ ሐል፡ ሕርየት ወመሳዋት መዋጥኒን ለለአተርድ፡ ረቦየት ዐዳት ወፊዐልየት ሰኔት፡

ዕሉም ወቲክኖሎጂ እንዴ መለክክ ህዩ እግል ዐማር ወዐድል ሕበር ወተጠውር ገበይ አጥፊሐት ክምቱ እንዴ ሐረ፡ ሕክ-መት ኤርትሮፒያ ዋወር ተዕሊም እግል ብዕድ ለኢልተረክ መስኦልየተ እንዴ ገንሐቱ ዲብ ሰልፍ ለልትረተብ ለበ ወቀይ ናይ ወጠን እንዴ ነስኦቱ ትከድም ዲብ ክም ሀሌት ሸርሐ።

ዐሚድ ኩልየት ዕሉም ፕሮፌሰር ገብራይ አስገደም እብ ተራቱ፡ ለኩልየት ምን ሰነት 2008 አስክ እለ ሰነት ጎን 3,647 ደረሳይ ክም አድሐረት፡ ምን እሉም ለ 84 እብ ማስተርስ፡ 2,785 እብ ዲግሪ፡ 778 ህዩ እብ ዲፕሎም ክምቶም ሐቆለ ሐበረ፡ ዲብ ለትፈናተ ወራታት እንዴ ትፈረረው ዲብ ዐማር ወጠን ዶሮም ለአበርክቶ ክም ሀለው ሐበረ።

ፕሮፌሰር ገብራይ ህግያሁ እብ

አተላላይ፡ ሕክ-መት ኤርትሮፒያ ዲብ ተዕሊም፡ ፋዚዕ፡ ኬልቃይ ሸቅል፡ ደማነት-ኖስ ለቡ ወመፍርያይ መዋጥን እግል ረቦየት ክምቱ፡ እሊ እት ሀደፋ እግል ልብጻሕ ህዩ፡ ደረጃቱ ለዐቕብ ንዛም ተዕሊም፡ ባቅዐም መደርሲን፡ ካፊ ወባቂዕ አላት ምህር፡ ክምስልሁመ እት ከርሰ-ዐድ ወካርጅ ምስለ ሸቁ መሸተርከት ዕላቀት ትርድት እንዴ ከለቅክ እብ ዋጅብ ረተቦቱ ክም ለአትሐዚ ሳደቀ ዲብ።

ወኪለት መትድሕረት ህዩ፡ እትለ ደረጃት ለአብጸሐም ኩሎም አሰናይኩም ሐቆለ ቤለት፡ መድሐራት መስኦልየት ለተአረፊዕ ሰበት ተ፡ ሸቅል እብ ዕጽፍ እግል ልሸቀው ለቦም መዳሊት አከደት።

ዲብ ደንገበ ዲብ ድሩሶም ፈዳበት ለአርአው 8 ደረሳይ፡ ወረቀት ሸህደት ተህየበት።

አስመራ፡ ልጅነት ተንፊዝየት መሕበር አንሳት ጌማም ሸቅለ ትወዴ

ልጅነት ተንፊዝየት መሕበር ወጠን አንሳት ኤሪትሮፒያ፡ የም 20 ወ21 ጁላይ ዲብ አስመራ እት ወዴቱ እጅትመዕ፡ ጌማም አወላይ ሰር-ሰነት እንዴ ወዴት፡ ዲብ ስታት ሸቅል ካልአይ ሰር-ሰነት ሀድገት።

ርኢሰት መሕበር አንሳት ኤሪትሮፒያ አሰይደ ተኽኦ ተሰፋሚካኤል ዲብ አስመዐተ ከሊመት፡ ፈዛዐት ሲያሰት አንሳት እግል ትትወቀል ለጉብኣ ካድም እግል ልትደቀብ፡ አንፋር መሕበር ዲብ ፈዓልየት ናይለ ትሰተተ ሸቅል እብ ክለ ሐሊተን እግል ልሸቀየ ሊከ ቀደመት።

መስኦሊን 6 ለአቅሊም ወመስኦሊን አቅሳም ወመሕበር እት ቀደመያሁ ተቃሪር፡ ዲብ ብንዩት ወሕፍዘት ሰዋልፍ፡ መትካም አንሳት እብ ኑዕየት ወብዝሐ፡ ወቀሎት ዶር አንሳት ዲብ እቅትሳድ፡ ጠወሮት መቅደረት ምህናት፡ ክምስልሁመ ወቀሎት ፈዛዐት ወሸክት ዐዋዲ ዴረት ለለአትናይት ወቀይ ክም ትሰርገለ ሐበረየ።

መሻርከት ሐቆለ ወደያሁ ጌማም፡ ዲብ ካልአይ ሰር-ሰነት በራምጅ ወቀሎት ፈዛዐት ወመትካም እብ ኑዕየቱ እግል ልሰኔ እግል ልትከደም፡ ወለኢተመ በራምጅ ህዩ እግል ልታመም እብ ሕበር እግል ልትከደም ትፋሀመየ።

ዲብ ደንገቡ ምህም ላቱ በራምጅ እዕላም አትዳለዮት ወቀደምት፡ ክምስልሁመ መሕበር ለሰትቱ በራምጅ ወወራታት ዝያደት ምስል ሸዐብ እግል አትአማር ናይ ክል ወሬሕ በራምጅ እግል ልፍገር ወልትሸቁ ሕሰብ ክም ሀለ ሐበረ።



ከረን፡ ህግዩ እሻረት ለደርሰው ልትደሐር

እት መዳይንት ክረን፡ እግል መደት አርበዕ ወሬሕ ህግዩ እሻይር ደርሶ ለጸንሐው 130 ሸቃለ መአሰሳት ወመሓብር፡ እት የም 17 ጁላይ ትደሐረው።

ዲብለ መናሰበት፡ መስኦል ፈሬዕ መሕበር ወጠን ጸማይም አቅሊም ዐንሰበ መምህር ደጀን ዘርእጋብር፡ ሐዞት ህግዩ እሻይር ዲብ አርህዮት መሐገዝ ጸማይም ወመፋሀመቶም ዲብ መጅተመዕ ሐቆለ ሸርሐ፡ ለተእሂል አተላላይ ናይለ እብ ደዋዩሕ ገብእ ለጸንሐ እሊ ለሸብህ ተእሂላት ክምቱ ሐበረ።

መስኦል መክተብ ቀድያት ደያናት አቅሊም ዐንሰበ አሰይድ መሐመድ ዐሊ ሰዲድ እብ ጀሀቱ፡ ለተእሂል ምህም ሰበት ቱ፡ ለደረሰ እግል ጸማይም ላቶም ጀሀት ዲብ ሰድየት ፈዳብያም እግል ልግባኦ ትፋኑ።

መስኦል መሕበር ወጠን ጸማይም ኤሪትሮፒያ አሰይድ ወልደሚካኤል ሰእሌ ህዩ፡ መዋጥኒን ህግዩ እሻይር እግል ልድረሶ ለአርአው ሕሰር ወመባደራት ሐመደ።

ፈሬዕ መሕበር ወጠን ጸማይም አቅሊም ዐንሰበ፡ አስክ እለ ዲብ ሴዕ-ወካን 450 መዋጥን ህግዩ እሻይር አድረሰ ከህሊ።***



ፈሬዕ ተዕሊም አቅሊም ምግብ፡ እግል ፈዳብያም መደርሲኑ ጀዋእዝ ሀበ



እት አቅሊም ምግብ፡ መክተብ ተዕሊም ምዴርየት ቅብለት ምፍጋር ጸሓይ፡ እግል 80 ፈዳብያም ምደርሲን መክንብታይት፡ ምግባይት ወካልኦይት ደረጃት መዳርሲ ጀዋእዝ ሀበ።

እተ ዲብ ዮም 22 ጁላይ ለገብአት መናሰበት፡ መስኡለ መክተብ መምህር ቴድሮስ አብርሃም፡ 48 ምእታይት ምን ጀዋእዝ ለነሰአው አንሳት ክምተን እት ለሐብር፡ ወራታት ሂበት ሶት፡ እት ረአሰለ እብ ሱፐርሻይዘራት ወእብ መደርሲን ለልትህየብ ንቃጥ፡ 40 እብ ደረሰ ክም ዐለ ሐበረ።

ክል-ጃእዝት ለረክበ መምህር 2000 ነቅፈ እት ነሰኦ፡ እብ ዓመት 160 አልፍ ነቅፈ ክም ተህየበውመ ወድሐ።

መስኡል ፈሬዕ ውዛረት ተዕሊም

አቅሊም ምግብ መምህር በላይ ሀብቱጋብር እብ ጀሀቱ፡ እግል ፈዳብያም መደርሲን ለትትህየብ ጃእዝት፡ ምን እግል ሰብ ጀዋእዝ ትህይቡ አትናያት ወኬን፡ ወራታት ደረሰ ወአድረሶት እብ ኑዕየት እግል ልሰኔ ወልሐሰ እተ ገብእ ጸገም ሐዘት ዐባይ ክምበ ሐበረ።

ጃእዝት ለረክበው ገዳይም ወሐዳይስ መደርሲን እግል ኤሪና እተ ሀበው ሐብሬ፡ እብል ጀዋእዝ እንዴ ትናየተው ደውለት ለትትሐበን እቦም መዋጥኒን እግል ለአፍሩ እብ መትሰባል ክም ልትጸገሞ አከደው።

መክተብ ተዕሊም ምዴርየት ቅብለት ምፍጋር ጸሓይ፡ 15 ረውደት፡ 6 መክንብታይት፡ 5 ምግባይት፡ ወ3 ህዩ ናይ ካልኦይት ደረጃት፡ እብ ዓመት 29 መአሰሰት ተዕሊም ህለየ እሉ።

ሰርሐ - አምበሰቴገለበ፡ ከጥ መዋሰላት ሓራት ሐዲስ አምበተ

እት ምዴርየት ሰንዐሬ እብ ዝያድ 6 ሚልዮን ነቅፈ ለትሸቀ ሐዲስ ከጥ ሰርሐ- አምበሰቴገለበ፡ ሸርከት መዋሰላት ሓራት ከድመት እግል ተህብ አንበተት።

እለ እብ ቅያደት ጀብሀት ምግባይት ለትሸቀት 9 ምትር ፈይሑ ለበ ገበይ ረድምየት፡ ውሐዝ ለከሬዕ ሓጃዝ ወለልትመደድ ከባሪ ለትክምክም ተ።

እት ዮም 18 ጁላይ እተ ገብአት ዓደት መድሐራት፡ ቃእድ ቅያደት ምግባይት ብርጋደር ጀነራል ተኽሌ ክፍላይ፡ መስኡለት ጀብሀት ሸዑባየት እግል ዲሙቅራጥየት ወዐዳለት አቅሊም ግብለት አሰይደ አመቱ ንጉሴ፡ ወወኪል ሓክም

አቅሊም ግብለት አሰይድ ተከኤ ተወልዱ፡ ተሚምለ ገበይ ሐዳስ ወእንባተት ከደማት መዋሰላት ሓራት በሸረው።

መስኡል እዳረት ደዋዬሕ እምበሰቴገለበ አሰይድ ነጋሲ መሓሪ እተ አስምዐየ ከሊመት፡ ክም ክሉ ዲብ ድዋራት ሕዱድ አቶብየ ለነብር ገበልኑ፡ ዝያድ 20 ሰነት አረይ ዐዳዋት ወወራራት ወያኔ ጋብእ ክም ጸንሐ፡ እብ ሰበቡ ህዩ ምን አሳሲ ከደማት እጅትማዕየት ክፋማም ክም ጸንሐው እንዴ ሐበረ፡ ምስል መትከሳት እሊ ከጥ ሐዲስ ከደማት ክም ረክቦ ዳምን ክምቱ ሸርሐ።

ሰነን ዲበ ሀበው ረአይ፡ እብ



ሰበብ ዐዳዋት ወያኔ፡ እዳራት ደዋዬሕ ብዕድመ እብ ኢረኪብ ገበይ ጣፍሐት ክዳማት እግል ልርክቦ ገበይ ረያም እግል ሊጊሶ ልትቀሰቦ ክም ዐለው እንዴ ሐበረው፡ እብል ገበይ ተቃርብ ወጣፍሐት እግል ልትነፍያ ምን ቀድረው ሐመደው።

ሙዲር ምዴርየት ሰንዐሬ

አሰይድ እድራስ ዐለ ሸከር ህዩ፡ መትሸቃይ ናይ እለ ገበይ ሐዳሱ ክፋል ናይለ ዲብ ብሩር ረዩም ለረከዘ ዐገል ዐማር ሕኩመት ኤረትርየ ክምቱ እንዴ ሐበረ፡ ለዱለት ህሌት ብንዶት ትሕትየት መዋሰላት፡ እምበል አምበሰቴገለባመ እግል ደገጊት ላሕዮ፡ አኽራን ውብዕዳት ክድመት ክም ተህይብ ሸርሐ።

እት ደንገብ፡ ዲብ ለትፈናተ በራምጅ ዐማር እብ ዓመት፡ ሕፍዘት ማይ ወትርበት ህዩ እብ ፍንቲት ዶር ዐቢ ቀድመ ለህለየ ውሕዳት ቅያደት ጀብሀት ምግባይት ወእዳራት ደገጊት ሸሃዳት ሐምዴ ሀበ።

እዳረት ደዋዬሕ እምበሰቴገለበ ምን መዲነት ሰንዐሬ ሐድ 34 ኪሎምትር ራይመት ተ።***

ኦፊሻል ማረጋገጫ

ክል አርቡዕ ለትጠ'በዕ ጀሪደት

መዳልያይ፡

- መሐመድ እድራስ

ለይአውት ወአርተዖት

* ዘህረ ዐለ

* ፋዋነ አድም

ተለፎን፡ 121797/07121322

ፋክስ፡127749፡ ዕ.ሰ.ቡ፡ 247

ተውዝዕ ጀሪደት፡

ተለፎን፡ 200454

አትአመሮት፡

ተለፎን፡ 125013፡ ዕ.ሰ.ቡ፡ 1284

ምግብ፡ እት ዳሕየት ጸዓዘጋ ምድር ጤስ ተህየበ

እት አቅሊም ምግብ - እዳረት ደዋዬሕ ጸዐዘጋ፡ ለለአትሐዜ ሸሩጣን ወዋጅባቶም ለአትመመው 148 አንሳት ለልትረከበ ዲቦም 420 መዋጥኒን፡ ዲብ ዮም 24 ጁላይ ምድር ሰከን-ጤስ ተህየበው።

እተ መናሰበት ተውዜዕ አራዲ፡ ዲብ ቅስም ሐርሰ ወአርድ መስኡል

ፈሬዕ አርድ አሰይድ መካነን ማኢል እተ አስመዐየ ከሊመት፡ ለወራታት ተውዜዕ፡ እብ አሳሰ አዋጅ አርድ ዕልብ 58/1994 ክም ገብእ እንዴ ሐበረ፡ ለበርናምጅ እግል ልትዐወት ጅህድ ለወደው እዳርዩን፡ ዐባዩ-ዐድ ወልጅነት-ጤስ ሐመደ።


ምዲር ምዴርየት በራኽ አሰይድ

ተሰፋ ፍሰሓጼን እብ እንክሩ፡ እግል ምድር-ጤስ ለነሰአው 'አሰናይኩም' እት ልብል፡ ዲብል ትትሐዜ መንፈዕት እግል ለአውዑሉ ትፋነ።

ምድር-ጤስ ለትህየበው ሰነን ህዩ፡ ለበክት እግል ሳድፎም ለጸንሐ መሓዝሽ ሰከን ለልአርሄ እሎም ክም ቱ ሐበረው።***

4^ይ ክፋል

ዐሊሰይድ ዐብደሰ ክርንቱ እንዴት ሐሰሐሰ ክእን ዲብ ልብል ህግያሁ አተላለ፡- “አይወ ሓይሳም መትኦድበት (ተኦረምቲ) ሐቆለ ቤላ፡ ሰለአሰ ሕርያን ህዩብኝ ክምሰል ህለ ወደሐ እግልኝ። ህዩም ህዩ ዎሮት አሰክ ካርጅ እግል ኒጊሰ እት ገብእ። ለካልእ ህዩ፡ እተ እት አቶብዩ ራትዕ ግድለ ወዱ ለዐለው ሐረካት ተሐሪር መትሓባር ቲ ልብል ለዐላ፡ ለሳልሳይ



ሕርያን ምሰል ጀብህት ሽዑብየት እግል ሕርየት ኤረትርየ እግል ልናድል ለለሐዜ ልብል ዐለ” ኣነ ህዩ ክምሰል ማሞ አፈተ እተ ሳልሳይ ሕርያን ወድቀ ከያርዩ። አይወ! እት ንዓል አተላላይ ንዓል ቱ ለዐለ። ሐቅ እተ እግሉ እወዴ ለዐልኮ ወዴንዩ እግል እድፈዕ እተ ራትዕ ከዋ እግል እግበእ ሕርያንዩ ገብኡ። ኣነ ክምሰል ደገምኮሁ ማርሓይ አው መሐብራይ አሰለሐት ክቡድ ዐልኮ። ከም ክምሰል ቀተልኮም የአምር። እምበለ ሐቱ ለኢትትሐበዕ ምኑ ረቢ እበ እግሉ አጅሬኮ ምእዘየት ደሴ አለበ። ላኪን ደሚርዩ ከሰኒ ዐለ። ገሌ እት ረአሰ መሳልም ገቢል አው እት ረአሰ ደረሰ ደረር ዋዲ እግል ይእግበእ ለልብል መፍሁም ባይእዩ ዐለ፡ ወላመ አማን ህታተ። እሊ ገቢል እሊ ህዩ እብ ሚ ሐቁ ክምሰል እፈደዩ ኢተአመረ እግልዩ። ለሐሰ ሕርያን ምሰል እግል ሕርየት ናድሎ ለዐለው ምናድሊን መትጋዳል እብ አርወሐት ወደም ለአሰታህሉ እበ ልብል ሕርያንዩ እተ ወጠንያይ ተንዚም ወጠንያይት ግድለ ሐሬኮ። እትሊ ናዩ ረአይ ለዋፈቀው ብዝሓም ዐለው። ምን ልውሕዶ ሰለ (60) ለገብኦ ምሰል



ምን እት ሳሕል ለተአሰረው ዐሰክር ደርግ

እምኩ ኢተአገውኔኩ!!!

ምሕርበት ኤረትርየ እግል ልናድሎ ሐረው። እሊ ሸርሕ እሊ ክምሰል ትሰምዐ ለእቱ ዐልነ ጃው ክሉ ምሰል እብ ፈርሐት እት እዘን አድሕድ ድንግሐ ቤላ። ልትዘከረኒ ናይለ ኢነት ለህ ፈርሐትነ ወለውቀትነ ሰደ ሰረት። ገሌነ አጣቀዐን ወሰርናመ ክምሰል አንሰ ፍጉሩ ዓይር ዐለልኝ። ለበኬመ ወንቤዕ ኢትሐገለ። እግሉ ሰር ወሰራራት ባትክ ለዐለ ጃዋት እብ ፈርሐት እብ አክራናት ክርን መለህዩ ለሰምዕ ተሐገለ” ቤለ ማሞ አፈተ ዝክርያት በዲሩ እት ለዓሬ ወፈትሽ። እንዴ አትለ ህዩ፡ “አሰናይክም ለልብሎም መስኦሊን ወመቃትሊን ሐዳም ይዐለው። ኣነ እት ሐያቼ ለይእትረሰዐ ለተአትሰሕቅ ቅሰት ህሌት። ዎሮት ምን መልህያምን ለዐለ አሲር ወሐሬ ሕርያኑ ምሰልዩ እት ንዓል ምሰል ሽዑብ ኤረትርየ ለገብኦ አለሙ በጫለ ክምሰል ክናየት ህዩ (አለሙ በላይ እንታይ ባህላይ ለልትብህል) ኣዜ እት መዲነት ነቅፈ በዐል ፍንድቅ ለህሉ ለእግሉ ቤለውነ ሸርሕ ነፍሱ አሚኑ እግሉ ኣቤት። እንዴ አማን ምን ገብእ እጅርብ ቤለ ወእንዴ አቀመጪ እብ ሰዐይ ረአሱ ቀደም ትጠለቀ። አቅብል ለልብሉ ሳኪን ኢረክበ። እሊ ሰድ እሊ አማን እብ አማን ሕነ ተሐረርን እቤ” ቤለ። እብ አማንመ ክምሰል ሕልም መሰለከ። አሰናይክ ክልኤ ዶል ትወለድክ እንዴ ትበህልክ እግል ልሳርሐክ እንተ ኢትትጸበሩ ወህቶመ ወድወ እንዴ ትቤ እት ከያልክ ኢትመጽእ። ገብኦት ወትበህለት አርወሐቱ አሚን እግሉ ለአቤት ክምሰል መለህይነ አለሙ በጫለ አሰክ ከደን ልሰዴ ወለ አምነ እበ ወቀይለ እንዳድንያይ ተንዚም ልትዐጀብ ክልትገሲ”

አይወ! ሕምሩግ ሽዑር እግል ልትሓበርም ላዘም ቲ። ላመ እሎም አሲሪን እሎም አትያም እቱ ለዐለው ተዋልል ለትሐባበረ ሽዑር ለከልቅ ቲ። ሽዑር ማሌ ክምሰል ዌረት እንዴ መጽአው፡ ሐሬ እት እዴ ሸፍተ እንዴ ቤለም እግል አሰረቶቶም ለመጽአው እብ ውድቀቶም፡ ወሐሬ እብ አትፋዝያት ወአድረሶት መሲርም ለቀየረው ትንዚም፡ ክእብ ናዮም ተእሲር ትቅዩር ፍክር ወፈህም ወጠኒ ክምሰል ወዱ ለወደምም።

ኣዜመ ድግሙ እት ለተላሌ ማሞ አፈተ፦
“ዐጃይብቱ ካልእ ዶል ትወለድኝ።

እግል ነኡብዴ እንዴ መጸኣነ እብ ዐፎ ትሓከም። ሕጌ ለገብእ እግልነ ይዐለ እምበለ እት እዴሁ ለዐልነ ተንዚም ጀብህት ሽዑብየት። ህቶም እብ ጀህቶም አሰናይ እግል እለ ርኤክም ልብሉነ ዐለው። አሰናይ እት ሰሚዕ እበ እግሉ ወዴክ ውዳይ አርወሐትክ አማን ኢትአምነ እግልከ። ለእግሉ እግል ትቅተል ለመጽአክ ህዩ ክእን እት ልብለከ። ኣነ እብ ውዳዩ የአሰትህለ እግል ቲበል አርወሐትክ ትትዌነቅ ምንክ” በልሰ መናድል ማሞ አፈተ ከሰሓቅ ሽዑር እብ ሐበን ትሰሐቀ።

አማንቱ ለለአትፈክር አምር ቲ። ሕርየት ምን ሞት ወእሰር እት ሰለሰል ሐጺን። ሕርየት ምን ቀይድ ደሚር ወተእሲር ፍክር። ኣቤ! ሕርየት ምን ሓባል ሸንቆ። ሕርየት ክልኤ ቅወት እት ሐቱ ኢነት ወሳዕት። እግል እት ሐንቱ ቀይድ ቃትን ለዐለ አሲር፡ ወለ እግል ዐቂዓም ቀልዐት ውሓምለት እት ጽልመት ወበርህት ካይድ ወለአትሓምል ለዐለ ምናድል። እሱር እት ናይ በቲክ ሰአየት ከዋወት እግል ኢልኡ። ምቃትል እብ ኢመራቀብቱ እት ኣካኑ እግል ኢልትሸከ። ክልኡት ሐቡራም ሽዑር ወክልኤ ቅወት ቀበሊት እብ አህዳፍ ፍኑትያም ለዐለው። እሎም ወሌሆም ተንዚም ጀብህት ሽዑብየት ምሰል ሕርየት ህቡቶም።

ምናድል ማሞ አፈተ እንዴ ወሰክ፡ “እተ ገጽለ ምቃትሊን ክልኡት ሽዑር ልትፈሀመን ዐለ። ገሌሆም አሰናይክም እት ልብሎ ሰርም ላኪን እግል ሚ ትጠለቀው ለልብሎመ ኢልትሐገሎ። እሊ ህዩ አፍካርን ፍኑቱይ ሰበት ገብኦ ቲ። እበ እግል መስተቅበል ፈጅር መስኦልየት እንሳንየት ለረፍዕ ተንዚም ሕክሙ እግል እሊ የአትጋመ ወእግል ሌሂ የአትሓረ ራትዐት ምስዳር ተ ለቤለየ እግሉ ነሰኡ።

ክምሰለ ምናድል ማሞ አፈተ ለደግመየ አሲሪን እብ ሰለአሰ ገበይ እት ሰልአሰ መሲር ትካፈለው። ክምሰል ከረ ማሞ አፈተ ወጀማዐቱ ፈክ ኤረትርየ ለከብደ እቶም እት ዴሽ ጀብህት ሽዑብየት ትሓበረው። አናዲ ክልኤ ዶል ይእትወለድ ወአዜ ክልኤ ዶል ውሉድ ህሌት እብ ፈድል ሽዑብየት ለቤለ አሰክ ዐዱ አቅበለ። ወእተ እግል ገቢል አቶብዩ ራትዕ ተናዚም ቱ ለቤለዉ እቱ ለትሓበረ ወመናበረቱ እብ ሰላም ክምሰል ሳይር ገብኡ። አናዲ ግድም ታርፍዩ ለህለ ምን ዕምርዩ እት ልጁእ ሓልፋ ወምዴሸት እረክብቱ ወደሐን ስከቢት፡ ለቤለ አሰክ ዐልዮ እሰእኑ ዋጪለ። እትሊ ሕርያናት እሊ እንዴ ለአቱ እበ እት አምን ሰውረት ለደርሰዉ ወቅት ፍህሞም ሰኒ ዐቢ ዐለ። ክምሰል ከዋድር እብ ፍንቱይ እብ ክሰሰ ቅድየት ኤረትርየ ወዐዳለት፡ ወለ እግሉ ንዓል ለአትጋይሰ ለዐለት ጀብህት ሽዑብየት እብ ቀሊል ለኢትርእዩ ራትዕ ፈህም ዐለ እግሎም።

ጥብዐን እግሉ አሲሪን ለትህየበ ሰልአሰ ሕርያን ለከብደ ምናም እሊ ለመናድል ማሞ አፈተ ለነሰአዩ ቲ፡ ክህቱ ክምሰል መዋጥን ካልእ ደውለት ምን መዐደይ ሕዱድ እግል ወራር እንዴ መጽአ ከሐሬ ክምሰል አሲር ሐርብ እንዴ ገብኡ፡ ከአዜመ ክምሰል መቃትል እግል ሕርየት እግል ልናድል ሸእ ክቡድ እንዴ ገብኦ ልትርኤከ። ለእግሉ ደርሰ ለዐለ አትፋዝያት ሰያሰት ወድሲፕሊን ተንዚም ጀብህት ሽዑብየት ትእሲር ፍክሪ ክምሰል ወደ እቱመ ሸእ ክቡድ ቱ ለዐለ። ክህቱ እግል ናሱ እብ ሚ ገብእ በልሰ እቲ።

“አይወ! ለሕርያንዩ ክቡድቲ። ኣነ እግል ናሼ ዎሮት ምን እሙ ኣነ። እትሊ እንዴ ይእገብእ። ወእትሌህ እንዴ ይእብል። አሰክለ ገበዩ ተአተአቃብል ወተአትዋይን ለዐለት ረሐመት እምዩ እግል አቅብል ዐለ እግልዩ። ላኪን ምን አምዕል እት አምዕል ለእግሉ እንደርሰ ወነአደርሰ ለዐልነ ሰያሰት ተእሲር ፍክር ወሲያሰት ወእጅትማዕየት ወደ እቲ። እብሊ አሰባብ እሊ እሰልፍ ላመ እግል ሕርየት ገቢል ፍሩራም ለዐለው ሰንዩ ወክምሰልዩ ቶም ለዐለው። ሰርም ዎር ዎሮት ምን እሞም ወአብሆም። ወሰርም ሕምሰ ወሰቡዕ ጸው እብ አክመሉ



ወሀደፍዩ” ቤለ መናድል ማሞ አፈተ ዝክያቱ ክምሰል ሓባል ዋናበት ምን አድሕድ እግል ልባልሐ እት ልትጸገም ወልትሐናጠዋ።

እት ለአተላሌ ህዩ፡ “ሕነ ክምሰል አሲሪን ታሪክ ጅኦግራፍየት አፍሪቀ ወኡቶብዩ፡ ኤረትርየ ክምሰል ደውለት ወሰውረት፡ ዓዓት ወለመድ ናይ እሊ ለእግሉ እቤ ገባይል እብ ፈን ወድራሰት እንዴ ትለመጪ ወትጪመመ እት ሐንገልነ ክምሰል ለአቱ ወዴናሁ። ላመ ጀብህት ሽዑብየት ሀበተናቱ በክት ምእት ምን ምእት ትነፈዐነ እቡ እብል ኣነ ክምሰል ማሞ። ኣክለ ሬኤነ ወደርሰነ ህዩ፡ አምርን ወፍክርን ትወሰክ እንዴ ኢኮን ኢነቅሰ” በልሰ መናድል ማሞ አፈተ፡ ሽዑሩ ወዝክሪያቱ ክምሰል ሞጅ አድሕድ እት ዳርክ እቲ።



አሰይድ ማሞ አፈተ ምን አሲር ዲብ ምናድል

ምሰል ዋልድኖም እት ምድገ ንዓል ልሰሕኖ ዐለው። አናዲ ሐቅ ምንዲ ለአውዳኒ ድዶም ዐልኮ። ወፈክ ምንዲ ለአውዳኒ ምን ሞት እንዴ አድሐነውኒ ፍክርዩ ለአሰነው እግልዩ ህቶም ቶም እብል ዐልኮ። ላመ እግሎም አደርሰ ለዐልኮ መልህያምዩ አሲሪን ለእግሉ አትጋይሰ ለዐልኮ አትፋዝያት ወድሮሶ እት እብል እቶም አጅበርቼ ብዘሕ ልትከቡቱ እግልዩ ይዐለው። ሕነ እግል ኒሙት ቱ ልብሉኒ ዐለው። ኣነ ላኪን ወድ አዳም ለኢተርፋ ሞት በደል ምሰል ቅዌቱ ክልኤ ሞት መይት፡ ኣምር እት እንቱ ምንዲ መይት ልትፈደል እብል ዐልኮ። ምን እሊ መድሙን እሊ እንዴ ትበገስኮ እግል ውላድ ቆምየቼ አርሞ ምን ብሩር ለመጽአው፡ ወቅዌት ለይኡብደው፡ ሐቅ መደርሲኖም አደርሶም ዐልኮ። ክምሰሉሁመ እግል እብ ሰሚት አሲሪን ትፈግር ለዐለት ጆሪደት አሲሪን እት ዐዋሚደ መቃበላት እንዴ ተርጀምኮ እግሉ እቀድም ዐልኮ። ላመ ሐሬ ትዐንደቅኮ እቱ ህደፍ እብሊ እግሉ እደርሰ ወአድርሰ ለዐልኮ ለፍህምኮሁ ቲ። ከድድ አቶብዩ ኢኮን ለዐለ መባዋርዩ። ድደ ፍክር ለእት አቶብዩ ለሐክሞ ለዐለው፡ አው ሓክማም ለዐለው ቱ ለዐለ መባዋርዩ

አይወ! ሽዑር እብ ዝክርያት በዲር ክምሰል ደረሳይ ናይ ቀለም ወደፍተር ሓግል እት እንቱ ወአብሁ እግሉ ወእግል እሙ በኖም እንዴ ሐድገዮም እት ካልእ መናበረት እት ገይሰ ምናም። ለንኡሻይ ማሞ አፈተ ወለርሐመት እሙ እግል መናበረት እዲነ ዕንዳቂሆም እት ሰዶ። እዲነ ሕሳለ እት ከልኦም ወድዶም ዕንዳቂህ እንዴ ሳደደት ድራር ሀቡቶም ምንዲ ገብኡ፡ ጸብሕ እት ከልኦም፡ ወጸብሕ ሀቡቶም ምንዲ ገብእ እብ ባይታሆም እት መይዮም። ምን ጨባበ እት ሰድተ እት ትትዐዴ እሶም። ሐቅ እላመ ማሞ አፈተ በክት ድራሰት ጨብብ ክምሰል ረአዩ፡ አሰክ ዕሰክርየት እንዴ ገይሱ፡ ምኑመ ክምሰል ዐሰከሪ አቶብዩ መስኦልየት ሐብሬ አሰለሐት ክቡድ እንዴ ገብኦ እብ ውቁል መፅነውያት እት ለአትሓርብ ወልትሓረብ። እንዴ ጸንሐ ህዩ፡ ለሸፍታ ቶም እንዴ ትበህለ ድዶም ለተአንደቀ መቃትሊን ኤረትርየ ክምሰል አሲር እት እዴሆም እት ወድቅ። ሐሬመ ምነ ለኢፈግር መለገት እብ እዴሆም እት ልትነጃ ወልድሕን፡ እት ደንገበ ህዩ ክምሰል መቃትል ኤረትርየ እት ሰፋፍ ሰውረት እት ልትሓበር፡ ላመ ሽዑር ለሐባልክ ክምሰል እሊ ለመሰል ዝክርያት እምበል ኢኮን።

(3^ይ ወናይ ደንበር ክፋል)

ብሔራዊ ሐርስ - ሽክረት ወመቶር ዘበናይ ሐርስ

ብሔራዊ ሐርስ

ርዝቅ ንዋይ

መጽል ርዝቅ ንዋይ፡ እት መነት፡ ዓፍየት ሕሩይ አጅናስ

እት ምድር-ሐሰመት (ጨወት)፡ እግል ሸፋል ንዋይ፡ እግል ክለት አዝረኡት፡ እግል አፍያት፡ እት ወሓይዝ ለደንን እቡ አካናት፡ እግል መሰኖ፡ ክምሰልሁመ እግል

እግል ዐለፍ አሸክለሊት-ል'መድ (calf starter) ለጉብኣ ዎሮት ጅንሰ ዐለፍ ህዩ ጅሩብ ህለ።

እት ዐድነ ለህሌት አባጌ፡



ንዋይ ወጃብ እብ ብሔራዊ

ሐዋናት እንዴ አተንከበ ሸቀ ምን ጉብኣ፡ ለምኑ እግል ልትረከብ ለቀድር ፈርያት ርዝቅ እብ ዋጅብ እግል ልትረከብ ክም ቀድር መፍሀም ቱ። እብሊ ቱ ህዩ እትለን ለሐልፊ ሰኖታት ሕርየት፡ እትሊ ለእንቤሉ መጽላት ቅድረትነ ለትሰምሐ ብሔራዊ እንወዴ ጸንሐኑ። መነት ንዋይ እግል አትሓያስ እብ ዓመት፡ ሕርያናት መነት ሐሐሊብ እግል ልብዘሕ ህዩ እብ ፍንቱይ ዲበ ጉብኣ ካድም፡ 261 አጅናስ ምን አክደር ዐለፍ ንዋይ ልትጀረብ ዲብ ህለ፡ ምን እሊ ለ30 ጅንሰ ሰዐር ወ50 ጅንሰ ምን ብቁልያት እብ ብሔራዊ ለሐሰው ዐለፍ ንዋይ ዲብ እንቶም ትረከበው ከትሐረው። እሎም 50 ጅንሰ ዐለፍ አክደር ፍገሪት ናይ ለትፈናት ብሔራዊ እት ጉብኣ፡

ዳፍያት መዳንን ለከድሞ እንዴ ትበህለው ተሐረው።

እምበል እሊመ፡ እግል ዐለፍ ንዋይ ለከድሞ 6 አጅናስ ድንሹ ሕሩይ፡ እንዴ ትጀረበው፡ 4 ጅንሰ ምኖም ተሐረው።

እት ብሔራዊ ንዘም ቅዝእ ለቡ ዐለፍ ንዋይ (Feed Block Trials) እግል አውለት ለጉብኣ 4፡ እግል ቀላቅል ምውዳቅ ጸሓይ 3፡ እግል ቀላቅል ምፍጋር ጸሓይ 2 ጅንሰ ሰዐር አክደር ተሐረው። እሊ ዐለፍ ንዋይ ለትሓብር ወለትረጭቅ ማሸን ህዩ ትሰነዐት።

እሊ ፈሬፅ እብ ተውሳክ፡ ምን ዕፋን ወአልፈ-አልፈ ለትሸቀው ክልኦት ጅንሰ ለትዐብዐበ ዐለፍ ንዋይ (silage) ለአዳሌ ዲብ ህለ፡

ጠባይዐ ወእግል ሕማማት ወባልዒን ለህለ እሊ ከህላት እንዴ ተሐፈዘ፡ እግል ትተውብ ለትቀድር ምን እንዴ ትፈረገት፡ ዲብ ሐልሐሌ ወእት ቀበት



ዐለፍ እብ ብሔራዊ

ሐረሰቶት እግል አትባዘሐት ለትነስኦት ምስዳር፡ ሰእየት ለትህይብ ፍገሪት ርክብት ምን ክም ህሌት፡ ተቃሪር ፈሬፅ ብሔራዊ ርዝቅ ንዋይ ለአክድ። መርከዝ ብሔራዊ ሐ ብጋይት እት ገሉጅ እንዴ አቁመ ህዩ፡ ሐቱ ምስዳር ገጽ-ቀደም ዲብ ብሔራዊ አሐ እንዴ ገብኦ ሰጃል ህለ። እምበል እሊመ፡ ምስል ወጠንያይ ላቦራቶሪ ዓፍየት ንዋይ ወብቅል እንዴ ተዓወኑ እት ብዘሕ ሕማማት ወባልዒን ብሔራዊ ክም ጉብኣ ወእግሉ እግል ጋብሆት ህዩ አድውየት ክም ትዋመመ

ክድመት ለልሀይብ ምህም ርክን ወጠንያይት መኣሰሰት ብሔራዊ ሐርስ ቱ። ምን ሰነት 1997 እንዴ አንበተ፡ አሰሶት መርከዝ አትዳራይ ዘርእ፡ አሰሶት ንቀጥ ሜትርዮሎጂ፡ መዲድ ክጡጥ መሰኖ ወጣቀት ጸሓይ፡ ብንየት ለትፈናት መሸከፍ ወሓይዝ አው ጀሪፍ ወነኣይሽ አሸራም፡ ሕፋር ዐወሊ ወብዕድ አሸቃል ምን እት አደቃብ ብሔራዊ ሐርስ ምህም ዶር ለዐለ እሎም ፍገሪት ሸቅል ህንደሰት ሐርስ ቶም።

ምን ሰነት 1999 እንዴ አንበተ

እት ለትደሀሪት ደረጃቱ ምንመ ለህሌ፡ አሰክ እሊ እት አግቡይ ሸቅየት ለትፈናት አጅናስ ድንሹ ምቁር፡ እት መደት ሐጫር ለልትዳሌ ውጩር (ርግኣ)፡ አዳለዮት ከፊፍ ነበሪት ምን ድባ፡ እንጣጤፅ ወብቁልያት ሰእየት ለልሀይብ ጀርቤታት ክም ወደ ልትአመር።

እሊ መጽል ላኪን አሰክ እሊ እግል ልትረከብ ለወጅቡ መቅደራት ዐቦት ክም ብዲቡ መትዘክር ለአትሐዜ።



ብሔራዊ እት ክሳር አዳም

ተርጀመት መሳ መንደር

ሕክ-መት ኤረትሮፒያ ውዛረት ዓፍየት ወሰብ ሽርከተ፡ መጅተማዕ ዑፋይ እግል ለሀሌ፡ መዋዋኒን ለትመጣወረ ሐቅ ከደማት ዓፍየት እግል ልርከቦ፡ ወለሐመ እብ ደፍዕየት ማል ሕድት አውመ እምበል ደፍዕየት እግል ልትሳፊ፡ ምን መደት ግድለ ታሕሪር ወእብ ዝያደት እትለን ለሐልፊዩ 33 ሰነት ሕርየት አውለውየት እንዴ ሀበው ሐድ መቅደረቶም ከድመው ወከድም ህለው። እብ ፍንቱይ ዲብ አከዶት ዓፍየት እማት ወአጀኒት ገብእ ለጸንሐ ወለሀለ ጅህድ ቅያስ አለቡ። አሮት ምን እሊ ከደማት እሊ፡ እግል መሻክል ሕማም ልብ ለም አጀኒት ዲብ መርጅዕየት እስብዳልየት አሮተ ትትሆብ ለሀሌት ክድመት ዐመልያት ልብ ተ። ከእትሊ ናይ ዮም ብርናምጅ ዓፍየት፡ እግል እሊ ከደማት እሊ ለትከሰቡ፡ ምስል ሚዲካል ዳይሬክተር እስብዳልየት አጀኒት ዲብ አሮተ ፕሮፌሰር ጽገሬዳ ገብረሂውት፡ አንፋር ራድዮ ክርን ገቢል ለወደወ መቃበለት ወለሀበቱ ተውዴሕ አወላይ ክፋል እግል ንርኡ።

ውዛረት ዓፍየት ምስል ሰብ ሽርከተ እንዴ ተዓወነት ሰነት-ሰነት እግል መሻክል ዓፍየት ልብ ለም አጀኒት፡ እብ ደረጀት ፊራሮ ሕበር ዐመልያት ገብእ ጸንሐ ወሀለ። እለ ክድመት እለ እትሊ አዜ ለሀሌነ ዲቡ ወቅትመ ትትሆብ ሀሌት። ከእብ ክሰሰ እለ እብ ሕበር ለትገብእ ፊራሮ ዐመልያት ልብ ወአሀምየተ፡ እንዴ ትሽሬሕ ፕሮፌሰር ጽገሬድ፡

“ሕማም ልብ እንብል እንዴ ሀሌነ እትለ እስብዳልየት አጀኒት ለዐብ ክፋል ተ። ዓመተን ሕማም ልብ ዲብ አጀኒት፡ ዲብ ክልኤ ደረጀት ልትከፈል። ለሰልፋይ ክፋል ምስሎም ለልትወለድ እት ገብእ ለካልኣይ ክፋል ህይ፡ ሐሬ ክምስል ትወለደው እብ ሐናት ወለትፈናተ አሰብብ ረክቦም። ከእሰልፍ እብ ክሰሰል ዲብ ክለ ዐለም እብ ብዝሔ ለልትረኡ ምስል አጀኒት ለልትከለቅ ሕማም ልብ ለከሰሰ ተውዴሕ እግል ሀብ እፈቱ። እሊ ምስል አጀኒት ልትከለቅ ለእምቤሉ ሕማም ልብ፡ ምን አልፍ አጀኒት፡ 8 ጅነ እብሊ ሕማም እሊ ጽቡጣም እንዴ እንቶም ልትወለደ። ክም ተጅርቦትን ዲብ ሐቱ ሰነት ሐድ 10 አልፍ ለገብእ አጀኒት ልትወለደ። ምን እሎም ለልትወለደ 10 አልፍ ዓለቅ ለ80 ሕማም ልብ ሀለ እግሎም በህለት ተ። እሊ ዕልብ እሊ ህይ ለዐብ መታክል ተ። ለእሰልፍ ዲብ ከብድ እሞም እንዴ ህለው አውመ ክምስል ትወለደው እት ዶሎም ለሕማምም ክም ሀለ ዲቦም ለትፈረገው አጀኒት፡ ክድመት ራድኢት ሻፍገት እግል ልርከቦ እት ለከሰሶም ጀሃት ዐምልያት ሰበት ልትለክ፡ ለፈሬዕ ዐመልያት እንዴ ረኡ፡ አትሐዜ ምን ገብእ እግል አድሐናትለ ዐለቅ፡ ለጅነ ምን ልትወለድ ሐቅ ሐቱ ሳምን ዐመልየት ልብ እግል ትግባእ እግሉ ትቀድር።

እሊ ለሕማሙ አጊድ እት ለትፈረገ ዐለቅ ወእት ካርጅ ተ። ዲብህ ላኪን፡ ክምስል እለ ለትመስል መቅደረት ሰበት ኢህሌት፡ ወለ አዜ ለልትወለዶ ዓለቅ ሕማም ልብ ክም ቦም ወክም አለቦም እግል ንፈርግ እቡ ለእንቀድር መትሻቀዩ ሰበት አለብ፡ ለአጀኒት ክምስል ትወለደው ሕማም ልብ ቦም ሚ አለቦም እግል ልትአመር ኢቀድር። ምናተ ክም ትወለደው ገሌ አሻይር ሐቅ አርአው እት ዶሎም አሰክነ ልትለክ። ለሐብሬ ሻፍገት ለኢለክርኡ ላኪን ክምስል ሐቱ ለአለቦም ሰበት ልትሐሰቦ አብያቶም ገይሶ። እት ዓኢላት መራቀብት ሰበት ህሌት ላኪን፡ ለለአትሸክኮም አሻይር ሐቅ ረአው ዲቡ ዲብህ መጸቡ። ክምስል አምጸአዎም ህይ፡ ለራድኢት ሻፍገት ለተአትሐዝዩ ሕማም ልብ እግል ትሳፊ ብከ በህለት ተ።

ለዲብ ልቦም ፈትሐት እንዴ ቦም ለልትወለዶ አጀኒት፡ ሐቅ ገሌ ወቅት ዲብ ሕማም ልብ ዐቢ ልትቀየር። ድዕፍ ልብ ሰብብ፡ ደም እብ ዲብ ልብ ለህሌት አካን ፍትሐት እንዴ ፈግራ፡ እብ ቅያስ ብዞሕ አሰክ ሽምበኣት ልውሕዝ፡ ትንፋሶም ለሐጭር ወገርቦም ኩሉ ለሐብዋ። ክምስል እሊ አሻይር እንዴ ቦም ለመጽኢን ዓለቅ፡ እት ዶልነ ራድኢት ሻፍገት እንወዴ እግሎም ወሐንቱ መራቀብት ትርድት እንወዴ እግሎም። ለመራቀብትን ዲብ አካን እንዴ እንታ ላኪን፡ ለዲብ ልብ ለህሌት ምፍታሕ እት ለገብእ ወቅት እግል ትትደባእ ቡ። ከለ ዐመልያት ልብ ለወዱ ሰብ መቅደረት መጽኢ እንዴ ህለው፡ ለዲብ ልቦም አካን ፍትሐት ለቦም ወእብ ለትፈናተ አሰባብ ሕማም ልብ እንዴ ብዲቦም ለትወለደው ዓለቅ እግል ዐመልያት ዲብ አወላይት ደረጀት እንረትቦም ወለዐመልያት ገብእ እግሎም። እሊ



መቃበለት ፕሮፌሰር ጽገሬዶ (1ይ ክፋል)

እግለ ምስለ ሕማም ለልትወለዶ በህለት ተ። እብ ትሉሉይ ምን ሰነት 2002 እንዴ አምቡተው፡ እግል ክእነ ሕማማት ልብ ለቦም አጀኒት ዐመልያት ለወዱ ሰብ-መቅደረት ምን ትፈናተዩ ድወል አርብ መጽኢ። ከምን ሰነት 2002 ለተጠውር ዓመተን እርእዩ እንዴ ህሌት፡ ዐመልያት ዕውት ገብአ። 1600 ለገብእ ሕማም ልብ ለዐለ እግሎም አጀኒት ዲብ እለ እስብዳልየት ዐመልያት ገብእ እግሎም። እሎም ዲብ እለ እስብዳልየት እለ ዐመልያት ልብ ድቁብ ወዕውት ለገብእ እሎም ዓለቅ፡ ዮም እንዴ ዐበው ዲብ ለትፈናተ አሸቃል ክስኣም ለልትረከቦ ብዝሓምቶም።

ህቶም ሌጠ እንዴ ኢገብእ አሰክመ ህቶም እግል ናሶም አጀኒት እንዴ እንቶም ሕማም ልብ ለዐለ እግሎም ወዲብ እለ እስብዳልየት ዐምልያት እንዴ ገብእ እግሎም ለሐየው፡ ሕማም ልብ ለቦም አጀኒቶም ለአምጸአው ወለሐየው እግሎም ህለው። ከለ ናይ ልብ ዐመልያት ለወዴ ፈሬዕ እትለ እስብዳልየት አትሐዝዮቱ ወሀለዮቱ መንፈዐት ወአሀምየቱ ሰኒ ዐባይተ። ለልትሆብ ለጸንሐ ከደማት ዐመልያት ልብመ፡ ምስል እለ አሀምየት እለ ለልትመጣወር ተ። ምናተ እሊ ከደማት ዐመልያት ልብ፡ እብ ሰብሰ ሕማም ከርነ እግል ቅያስ 4 ሰነት እትኩሩም ሐቅለ ጸንሐ፡ አዜ እምቡት ሀለ። እት ለሐልፊ ሰነዋት ምን ሐድ 5 ድወል ዐለም ዐመልያት ልብ ለወዱ ሰብ መቅደረት መጽኢን ዐለው። ዲብ ሐቱ ሰነት ህይ፡ ምን 80 አሰክ 100 ዐመልየት ወዱ። ከእብ ለእምቤሉ ሰብሰ ሕማም ከርነ ለዐመልያት ባዋር ሰበት ጸንሐ፡ ለቅያስ ምን 80 ወ100 ዲብ 300 ወ400 ትወቀለ በህለት ተ። ምን እሎም ሐድ 300 ወ400 ለገብእ ሕማም ልብ ለዐለ እግሎም አጀኒት፡ ለሻፍገት ራድኢት ናይ ዐመልያት ተአትሐዝዮም ለዐለት፡ ዮም እብ ሐያቶም ኢህለው። ለክድመት ዐመልያት ልብ እብ ሰብሰ ገሽለት ሕማም ከርነ ባዋረት ሰበት ዐለት በህለት ተ።

እትለ ለትዘክረት መደት ለራድኢት ሻፍገት እግል ልርከቦ ለዐለት እግሎም አጀኒት ለክድመት ሰበት ኢረክበው፡ ለዲብለ አውርሐትለ ሰልፍ ዐምልያት ለአትሐዝዮም ለዐለው አጀኒት፡ ለክድመት ሰበት ኢረክበው፡ ዐመልያት እግል ልግባእ እግሎም እት ለኢቀድሮ ዲብ ደረጀት ለበጽሐው አጀኒትመ ህለው እግል። ምናተ ለአምቡቶትለ ዐመልያት በክት ዐቢ ሰበት ተ። ሕናመ እንዴ ትፈረርነ እትለን ለሐልፊዩ 10 ምዕል፡ ሐድ 250 መሻክል ሕማም ልብ ለቦም አጀኒት ረኡ። ቀደምለ ዐመልያት ልብ ፍሐሳት ሰበት እንወዴ፡ ለራድኢት ሻፍገት ለተአትሐዝዮም ምን ወምን ወክም ክምቶም ሰዳ። ለዲብ እለ ሳምን እለ ዐመልየት ለተአትሐዝዮም ወአሰፊሆም እት ትመጽኢ ሳምን ዐምልያት ለወዱ ወግራሆም ለለኣቱ እንዴ እንፈናቱ እንረትብ ለበርናምጅ

እግል ለአተላሌቱ። እግልሚ ሐቅ 6 ወሬሕ ለመጸኢነ በዐል መቅደረት ዐመልያት ልብ ሀለ። ሐቅሁመ ዲብ ወሬሕ ክልኤ ሰነት 2024 ለመጽኢ ሐካይም ህለው። ምን ሐረስ እሊ አትሐዝዮት ፈሬዕ ዐመልያት ልብ እትለ እስብዳልየት፡ አሀምየት ዐባይ ቡ። ለዐመልያት ሌጠ እንዴ ኢገብእ ሕማም ልብ ለቦም አጀኒት እንተሃባት ድቁብ ሳድፎም። ከእግል እሊ እንተሃባት እሊ አሰርየት እንዴ ነሀይብ ወምስልነ እንዴ እንራቅብ አሰክ እት በክት ናይለ ዐመልየት በጽሐ መራዐየት ትርድት ትገብእ እግሎም። ለዐመልያት ለወዱ ሰብ መቅደረት ህይ፡ ምስልነ እንዴ ገብአው ዲብ መመዮት ወመራዐየትለ ሐማይም ሻርት ወእግል እብ ሽፋግ ዐምልያት ለለአትሐዝዮም ውጽዓም እግሎም ዐመልያት ወዱ። ለወዲለ ዐመልያት ሌጠ እንዴ ኢገብእ፡ ለኢተአትካርም መራዐየት ወመራቀብት ለተአትሐዝዮም ሐማይም ልብመ ህለው እግልነ”።

ሰኣል፡ እት ፍንጌኩም ወፍንጌለ ዐመልያት ልብ እግል ልውደው ለመጽኢ ሰብ መቅደረት ለህሌት መዓወነት ወመትባዳል ተጃርብ ከአፎቱ።

በሊሱ፡ “እሊ ሰኣል እሊ አሀምየት ዐባይ ለቡ ሰኣልቱ። ክል-ዶል ምን ካርጅ ለመጽኢ ሐኪም እንዴ ትከበትክ እብ ናይክ ተርቲብ ወናይክ ቀደም-ትሌ ኢጌሰ ምን ገብእ፡ ዐደድ እለ ሽቅል ዕዉት እግል ልትሸቄ ኢቀድር። መሰለን፡ እሎም ሐካይም እሎም መጽኢ እንዴ ህለው፡ ለዐመልያት ለትወዴ መጅመ-ዐት ሐድ 20 ሰብ መቅደረት ትክምክም። ዐመልየት ለወዴ፡ በንጅ ለሀህይብ፡ ዲብ ወቅት ዐመልየት ዲብ አካን ልብ ወሽምበት እንዴ ገብእት ለትሸቄ ኣለት አው ማሸን ለራቅቦ፡ እግለ ዐመልያት ለወዱ ለሰዱ፡ ምን ቁርፈት ዐመልየት ክም ፈግረው ዲብ ፈሬዕ ራድኢት ሻፍገት ለለኣቱ፡ ዲቡ ለራቁቦም ሐካይም ወኔርሳት፡ መትሻቀዩ ዐመልያት ለለአትዳሉ ወለለአትከባብቶ ወብዕዳም ልትረከቦ ዲቦም። እት ቀደምለ ዐመልያት ለሀለ ወቅትመ፡ ህቶም ወለቀደሚሆም ለጸንሐዎም ሰብ መቅደረት፡ ለሐማይም ደረጀት እብ ደረጀት እብ ሕበር ፈናትዎም። እትሊ ሽቅል እሊ ተሐይሰ ተሐምቅ፡ ጎማት ወምክር ወዲብ ደንጎበ ህይ፡ ዲብ ንስኣት ቀራር ሕበር በጽሐ በህለት ተ። ለተጃርብ ህይ፡ እሊ ዶል እሊቱለ ምን ሕድ ልትረከብ፡ ምስል እሎም ምን ካርጅ ለመጽኢ ሐካይም ናይነ ሓኪም ህለው። በህለት እብ በናም ኢሸቁ። ሰበት እሊ ንትሳዴ ወምን ሕድ ተጃርብ እነሰእ። ሕነ ሌጠ እንዴ ይእንገብእ ህቶመ መኒነ ለረከቡ ተጃርብ ብዞሕ ተ። መሰለን ዲብ ዐዶታቶም እብ ብዝሔ ለኢልትረኡ ሕማማት ሀለ። እግል መስል እብ ሰብሰ ሐናት አው እንተሃባት ቅደድ ሐለቅም ለመጽኢ ሕማም ልብ ዲብ አርብ ኢሀለ አብደው። ሕነ ላኪን እብ ሰብሰ ሐናት ለልትደምዖ አጀኒት ብዝሓም ብነ። ከእሊ እንዴ



ፕሮፌሰር ጽገሬዳ ገብረሂውት

ፈረግከ ወፈንቱና ነአጸንሐም። ለእብ ሰብሰ ሐናት ሕማም ልብ ለረክቦም አጀኒት ቀደምለ ሕማም ልብ ረክቦም ለለአርእው አሻይር ሰበት ሀለ፡ ለአሻይር ለለአርኡ አጀኒት ምን ልውሕድ እግል መደት አሮት ወሬሕ ወዝያዱ ዲብ ሐንቱ መራቀብት ነኣትዮም ወለልትሆብ አድውየትመ ሀለ። እሊ እት ዐመልየት እንዴ ኢበጽሐ በህለት ተ። እሎምመ እብ ሕበር እንታብም። ዲብ መታበዕትነ ህይ፡ ለደቅብለ ሕማም እንዴ ትረኣ ወትፈረን፡ ላዝም ዐመልየት እግል ትግባእ ሐቅ ትቀረራቱ ለዐመልያት ወዱ እግሎም።

ዐመልያት ልብ እግል ቲዴ ሰብ መቅደረት ፍንቱያም በህለት ስፔሻሊስቲ ዐመልያት ልብ እግል ለሀሉ እግልናቦም። እሊ ላኪን እብ ወቅቱ እግል ልትበጸሕ ለቀድር ምንማቱ ሕነ፡ እሎም ሰብ መቅደረት እሎም አለብናቶም። ሰበት እሊቱ ለምስሎም እንዴ ንትዓወን እንሸቄ ለህሌነ። ለዐመልያት ልብ ለትወዴ መጅመ-ዐት ለህለው እግልነ ሰብ መቅደረትን ምስሎም እንዴ ንትሳዴ ህቶም-ቶም ለመርሕወ። ከእሊ ዲብ እስብዳልየት አጀኒት ለሀለ ክፋል ዐመልያት ልብ፡ ናይ ዶሉ እንዴ ኢገብእ፡ እግል መስተቅበል ክምስለ ምን በረ ለመጽኢነ ሰብ መቅደረት እግል ነኣፍሬ፡ ለኢተአትካርም ድራሰት ነሀይብ ጸነሐነ ወሀሌነ። ዮምክን ሐቅ ክልኤ ሰለሰ ሰነት ናይ ኖሰነ ስፔሻሊስቲ አው በዐል መቅደረት ዐመልያት ሕማም ልብ እግል ለሀሌ እግልነ ሰኣየት ብነ። አሰክ ሰብ መቅደረት ዐመልያት ልብ ነኣፈሬ ላኪን፡ ምስሎም እንዴ ንትዓወን እንሸቄ ሀሌነ። ሰበት እሊ ለናይ ካርጅ ሰብ መቅደረት እብ በናም ለሸቅወ ሽቅል አለቦም። ክምስለ ሕነ ለነኣትዳልዩ እግሎም ቶም ለዐመልያት ወዱ። መሰለን እትለ መደት እለ ምን ለዐለው እግልነ ሐድ 2000 ሐማይም ልብ፡ 250 ናይ ዐመልያት ልብ ራድኢት ሻፍገት ለተአትሐዝዮም አጀኒት አትዳሌነ እግሎም። ከለ ናይነ ሐካይም ለሸቅወ ሽቅል ቀሊል ኢኮነ። ምንቶም ለዐመልያት ለአትሐዝዮም ወህቶም እግል ልርአዎም ለቦም ምን ወምን ክም ቶም ለቀርሮ፡ ለናይነ ሰብ መቅደረት ዐመልያት ቶም። ከሕነ ምናም ወህቶም መኒነ ለእንረክቡ ተጃርብ ቀሊል ኢኮነ።



መዳልያይ፣ ዘወልዲ ሀይሌ ተርጀመት፣ ሳልሕ ገመ

ንዛም ማያይ ድዋራት በሐር

ወምሐጣት

ዝያድ 71% ርሕብ ናይ እለ እነብር ዲበ ለህሌነ ፕላኔት፡ እብ ማይ ለትከበባቱ፡፡ ሐድ 99% ምን ፅሙማይ ኦርዋሕ ለቦም ክልቀታት ናይ እለ ፕላኔት፡፡ ህይ እትሊ ባካት ነብር፡፡ ተቅይም ቀሪን ማያይ ክፋል ዐለምነ ሐድ 4300 መትር ገብእ እትህለ ፅሙማይ ዳኢረት ማንራራብ በሐር ወጀዛእር ህይ ሐድ 380 አልፍ ኪሎ መትር ገጹ በጽሕ፡፡ ቅያስ ማይ ምሒጣት ሐድ 137 ቢልዮን ኪሎ መትር ኩዩብ ቱ፡፡ ንዛም ማያይ ድዋራት ምን በሐር አው ምሒጣት አስክ ለ ሰኒ ለቀረ ክፋል ምሒጣት ለከምክም እትገብእ ሚልዮናት ጅንስ አራውሕ በሐር ክም መስከብ ወመሰደር ነብረ እንዴ ገብእ ምን ጂል ዲብ ጂል አተላለዮቶም ዲብ አድመኖት ዐቢ ዶር ለአወቁ ህሉ፡፡ ክም ፍገራት እብ ቢልዮናት ለልትዐለብ ሽዑብ እዲነ መባሸር ልማእ ወእብ ገበይ ብዕደት ክም ዴማት እተዮም ልትነፍቶቡ ጸንሐው ወሀለው፡፡

ክፈፍል ንዛም ማያይ ድዋራት፡

ማያይ ድዋራት እብ “ፕላጂክ” ወ “በንቲክ” ለልትበህል ክልኤ ዐባዩ ክፋል ለትአሰባቱ፡፡

1. አላጂክ (ለዓል መበገት/ክፋል ማያይቱ)

“ፕላጂክ” ለልትበህል ለዓል መበገት ማያይ ክፋል በሐር በህለት ምን ጠፋሖት በሐር አስክለ ቀረ ለልትረከብ ክፋል ሸምል፡፡ እሊ እግል ኖሱ ዲብ “ኒርቲክ” ወ “ኦቫኒክ” ለልትበህል ንኣይሸ ክፋል ልትከፈል፡፡

1.1 ኒርቲክ፡ ዲብ ማንራራብ በሐር ላቱ ማያይ ክፋል ለቀርቦ እትገብእ ሐጨር ቀሪን ላቡቱ፡፡ እሊ ባካት እሊ ምስል አርድ ሰበት ልትሐደድ ምን አርድ እብ ወሓይዝ እንዴ ትረፈዐ ለመጽእ መዓድን ወምን ቀበት በሐር ለመጽእ አምዋጅ ዝያድ ሕሩይቱ፡፡ ብዙሕ አራውሕ ህይ ልትረከብ ዲቡ፡፡

1.2 ኦቫኒክ፡ እሊ ክፋል እሊ ምን ማንራራብ በሐር ረይም ዲብ ገብእ እግል ሰኒ ቀሪ ማያይ ክፋል ለወክል ዲብ አርበዕ መበገት ልትከፈል፡፡

ሀ. ለዓል መበገት (ኢፒፕላጂክ)፡ በርህት ጸሓይ እብቀላለ ለረክብ ሰበትቱ፡፡ ነባታት እብ ኖሱ ነብረሁ እግል ለኣዳሌ ለሰዴ መበገትቱ፡፡ ሰበት እሊ ብዙሕ አራውሕ ነብሩ፡፡

ለ. ምግባይ ጠፋሖት (ሚሶፕላጂክ)፡ እሊ መበገት እብ

ካልኣይት ደረጃት ለልትረተብ ማያይ ክፋል እትገብእ ምን 200 አስክ 1000 መትር ቀሪን በጽሕ፡፡ እትሊ መበገት ለነብር አራውሕ ምን ዲብ ለዓል መበገት ለነብር ፍንትይ ለልብል እትገብእ፡፡ ሕዲነ በርህት ወውቁል ደቅዋ ናይ መትሐማል መቅደረት ቡ፡፡ ክም መሰል እትሊ ክፋል ናይ ማይ ነብር ዓሰ ሕዲነ በርህት እግል ልጋብህ ወናይ ማንሐት መቅደረቱ እግል ልወስክ ዝሄይፍ ዕንታት መልክ፡፡

ሐ. ተሓት (ባዝይፕላጂክ)፡ እሊ ክፋል እብ ካምል ጽልመት ወድቁብ ቅርሲስ ለቡ ባካት እትገብእ ቀሪናሁ ምን 1000 አስክ 4000 መትር በጽሕ፡፡ እትሊ ዲመ ለብር አራውሕ እግል እሊ ድቁብ በራደት ወደቅዋ ማይ ለልትሐመል እንዴ ገብእ ለትወለዓቱ፡፡

መ. ለተሕተ (ኢቢሶፕላጂክ)፡ ኢቢሶፕላጂክ ለተሕተ መበገት ማያይ ክፋል እትገብእ ቀሪናሁ ምን 4000 መትር አስክ ለደህረ ምድር ማያይ ክፋል ልትመደድ፡፡ ኢቢሶፕላጂክ ጽልመት ሰበትቱ እምበል ፍንቱይ ኖዕ ባክተርዩ ብዕድ አራውሕ እግል ልንበር ዲቡ ለኢልትቀደር ባካት ሰበትቱ ባዶብ ክፋል ማይ እንዴ ትበህለ ልትሰሚ፡፡

2. በንቲክ (ምድሪ በሕሪ)፡ ምድር ማይ በሐር “በንቲክ” እንዴ ትበህለ ልትሰሚ፡፡ ዲብ ማይ ለነብር እት እንቱ ላኪን ሰላል እግል ለኢቀድር አራውሕ ክም ድሩዕ ዓጭም ለኢአለቡ ሔዋን፡ ሰፍነግ፡ ዕንባባ በሐር፡ ሾረ ውብዕድ ለትፈናተ ህረሞ በሐር ወሰዓር በሐር እትሊ ባካት ነብር፡፡ ደረጃት ቀሪናሁ እንዴ ተአመረ ህይ እሊ ባካት ሱስ ጠፋሖት ዲቡ ልትረተብ፡፡

2.1 ሱፕራሊቶራል፡ እሊ ጠፋሖት እት ፍንጌ ደቡስ አርድ ወለ ለትወቀለ ከዋ መልእ በሐር ለልትረከብ ማይ እቡ ለኢትገልበበ ዋሉል ምድር በሐርቱ፡፡ እትሊ ባክ እሊ ትሩድ ጩወ፡ የባሱ ውቁል ጨረዋርሕ ጸሓይ ከምስልሁመ ለትፈናተ ተቅይር ሓለት ጀው እግል ልትሐመል ለቀድር አራውሕ ወምን ነባት በሐር ክም ሳሊኮርንዩ፡ ሱወደ፡ ዕጨይ ሾሪ፡ ለትፈናተ ንኣይሸ ሔዋናት እትሊ ጠፋሖት ነብር፡፡

2.2 ሊቶራል፡ እትፍንጌ ውቁል ወድሁር ምልኣት በሐር ለልትረከብ ሐፋሖት ቱ፡፡ እት ወክድ ውቁል ምልኣት በሐር እብ ካምል እብ ማይ ልትገልበብ እት ህለ እት ወክድ ድሁር ምልኣት በሐር ህይ ብራቁ

ተርፍ፡፡ እትሊ ባካት እሊ ለነብር አራውሕ ድቁብ በርህት ጸሓይ ወውልዋል ክምስልሁመ የባስ ዲብ ወክድ ድሁር ምልኣት በሐር እግል ልትሐመል ለቀድር አራውሕ ክም ኣረኔ፡ ስትሮምባክ፡ ዓርቀብ በሐር ወለትፈናተ ህረሞ በሐር ወሾረ እብ ብዝሔ ልትርከብ ዲቡ፡፡

2.3 ሳብታይዳል፡ እሊ ጅዙእ ምድር በሐር ዲብ ገብእ ኣብ ሳብት ምን ድሁር ምልኣት በሐር ለልትርኤ ዲቡ ጠፋሖት ሊቶራል እንዴ አሰብደ አስክ 300 መትር ምንተሓት ጠፋሖት በሐር ልትመደድ፡፡ ኮንቲንንታል ሸልፍ እብ ዓሶታት ርዙቅ ላቱ ባካት ጅዙእ ናይ እሊ ጠፋሖት እትገብእ ሰነት እብ ካምለ ህይ እብ ማይ ለትገልበባቱ፡፡ ዝያድ ዲብ ማንራራብ በሐር ለቀርቦ ሰበቱ ህይ ለትፈናተ ጅንስ ትርበት ወሸፍር እብ ውሒዝ እንዴ ትረፈዐ እትሊ ባካት በጽሕ፡፡ ክም ነቲጀት ህይ እብ ጅንሱ፡ ሸክሉ ወሕብሩ ለልትፈናቱ ጅንስ ዓሱ ንኣይሸ ወዓጭም ለኣለቡ ሔዋን፡ ሰዓር በሐር፡ ህረሞ በሐር ውብዕድ ለልትረከብ ዲቡ እቡ ርዙቅቱ፡፡

2.4 ባዝያል፡ ሐቆ ሰብታይዳል ለልትረተብ ክፋል እትገብእ ምን 300 አስክ 4000 መትር ለበጽሕ



ቀሪን ቡ፡፡ እሊ ጠፋሖት ምስል “ባዝይፕላጂክ” ለልትበህል ማያይ መበገት ለልትመሳሰል ቀሪን ላቡ እትገብእ እብ ካምል ጽልመት ገብእ እትህለ ወቁል ወድሁር አድብር በሐር ልትረከብ ዲቡ፡፡

2.5 ኣብይሳል፡ ኣብ ቀሪናሁ ምን ባዝያል እንዴ ተለ ለመጽእ ጠፋሖት በሐር ቱ፡፡ ቀሪናሁ ህይ ምን 4000 አስክ 6000 መትር በጽሕ፡፡ ለራሕብ ክፋል እትለ ጠፋሖት ለልትከምክም እትገብእ መጀብ ለበዝሐ ክፋሉ ለገብእ አራውሕ ለኢልትረከብ ዲቡቱ የዶብቱ፡፡

2.6 ሃድል፡ ለቀረ ምድር በሐር እትገብእ፡ ቀሪናሁ ምን 6000 መትር ወለዐልቱ፡፡ ለቀረ ክፋል ምሒጣት በህለት ማርያነ ትረንጉት (ቀሪናሁ 11,000 መትር) ጅዙእ ናይ እሊ ጠፋሖትቱ፡፡ ክም ኣብሳይል እሊ ጠፋሖት ጽልመት ሰበትቱ ብዙሕ አራውሕ ለኢልትረከብ ዲቡ የዶብቱ፡፡

እሊ እት ለዐል ለትዘከረ ለትፈናተ ባካት ሰከን ለትፈናተ አራውሕ በሐርቱ፡፡ እብ ዕን እግል ልትርኤ ለኢቀድር ንኣይሸ ኣሳሰይዶ ክልቀታት ነብራሁ ኖሱ እግል ለኣኣዳሌ ለቀድር ባክተርዩ አስክ ነባት ወዓጭም ለኣለቡ ሔዋን ከምስልሁመ ለዐበ ሖት፡ ወኣት በሐር፡ ጋብሌ በሐር ወሰራይር በሐር



ወነባት ከምክም፡፡ መካሪት ማያይ ክፋል ለትፈናተ ሰበትቱ መትነሻር ወጠባይዕ ለዲቡ ነብር አራውሕ ለኢትሳዋቱ፡፡

አራውሕ በሐር አተላልዮቶም እግል አድመኖት እግል እሊ ባካት ምስል መቢዐቶም ወክልቀቶም እብ መትሓማድ ነብር፡፡ ለዓል ክፋል ናይ ለገብእ ምሒጣ ዝያደ ጸሓይ ወበርህት ለረክብ ሰበትቱ ለትወቀለ መትፋራይ ልትርኤ ዲቡ፡፡ ምስል ተሓት ጽልመት ልትርኤ እትህለ እግል አራውሕ ዝያደ ሰኒ ሰበትቱ እብ ብዝሔ አራውሕ ለትመለኣቱ፡፡ በርህት ጸሓይ፡ ቀሪን በሐር፡ ሐፋነት ማይ፡ ሀለዮት መኣዘታት ላቡ ነብረ፡ አምዋጅ፡ መትደፋን፡ እት ያብስ

ቀላለ እግል ለዐንብብ ወድዩ፡፡

2. ወሰኩት ሐፋነት፡ እዲነ እብ ሰብብ ሰጃል ለህለ ውቁል ተጠውር መሳንዕ፡ ትሩድ ቅያስ ካርቦን ዲብ ፈዳእ እብ ወሰኩት ዲብ ዝያድ ሐፋነት ገጸ ገይሰ ክም ህሊት ባሕሲን ዲመ ለሐዝዘር፡፡ እሊ ወሰኩት ሐፋነት እዲነ ሰብብ ሞት ወሕማም ከምስልሁመ መትፋራይ ናይ ለ ኢለትሐዜ ሐዳይሰ ጅንስ ሔዋን ወነባት ገብእ፡፡

3. መኪክ በረድ ዋልተታት፡ እሊ እግለ ዲብ በረድ ናይ ነቢር መቢዐት ላቡ አራውሕ በሐር፡ ድዋሩ ሰበት ደመረ ዲብ ደረጃት ሰሪት እግል ልብጸሕ ቀድር፡፡

4. ወሰኩት መትወቃል ጠፋሖት በሐር፡ እብ ሰብብ ዲብ ዋልተታት ለሳድፍ መኪክ በረድ፡ መትወቃል ጠፋሖት በሐር እንዴ ወሰክ ማንራራብ በሐር ወጀዛይር ክም መትፋራይ ወጽላል ልንተፋዕ ለዐለ ሔዋናት ኣነት እንዴ ሐድግ እግል ልልጃእ ልትቀሰቡ፡፡ እምበል እሊ እብ ሰብብ ዲብ ማንራራብ በሐር ለሳድፍ መትሸርሻር ዲቡ ለነብር ንኣይሸ ዓሰ ወድሩዕ ሔዋን በሐር ልትደመር፡፡

5. መትሻዕታር እትጃህ አምዋጅ፡ እብ ሰብብ ተቅይር ሓለት ጀው አምዋጅ በሐር እትጃሁ ልትበደል፡፡ እሊ መትብዳል እትጃህ እግል አምዋጅ ክም ዴማት መትፋራይ ልትነፍዕ አራውሕ በሐር እትጅሁ እንዴ በደ እብ ብዕድ ዌራይ ክም ልትበላዕ ገብእ፡፡

6. ኢመትዛም ናይ ዝላም ሒን፡ ኢመትዛም ናይ ዝላም ሒን እግል ገሌ ክፋል ሐዶቶም ዲብ ኣንሃራት ወወሓይዝ ማንራራብ በሐር ለልሓልፎ ክልቀታት በሐር ጽበዋ ወጩወት መትመዳድ ማዓድን ናይለ ድዋር እብ መትብዳሉ ለኢለትሐዜ ደማር ሰብቡ፡፡

7. ሕዲነ ዝላም (ጀፋፍ)፡ ውቅል ሐፋነት ዲብ ጠፋሖት በሐር ለህለ ማይ ዝያድ ክም ሀፍፍ እንዴ ገብእ ዲብ ወሰኩት ጩወ በሐር ዶር ዐባይ ለእገዴ፡፡ እብ ኣሳስ እሊ ለጠቢዕያይ መራረት ጩወ ላምድ ለዐለ ክልቀት እብ ለኢለትሐዜ ደቅዋ እንዴ ደረረ ደማር ሳድፋ፡፡

8. ብዝሔ ዝላም፡ ወሰኩት ቅያስ ዝላም ማንራራብ በሐር ወጀዛይር ጠፋሖት፡ ማይ እብ ኣርቀቀት ዲብ ድሁር ደረጃት ጩወ ከሬ፡፡ ድሁር ጩወ ክም ውቁል ጩወ እግል መቢዕያይ ጩወ ለልትሐመል አራውሕ በሐር ዲብ ብቀት ከሬ፡፡

ሸባብ

ዶ/ር ዐ-መር ዐ-ሰማን



“አላ እንተርኔት ኢትዮጵያ!?” እትለ እድንዩ ትነብር ኢህሌከ!”



ዎሮ ሸቅል ሰኢን ለዐለ ዓጥል ሻብ ናይ ነዳፊት ሸቃላይ እግል ልግበእ እት መክተብ ሐቲ ሸሪከት ሰኢሉ እግል ሸቅል ቀደመ ንብለክም።

ለመሰሉለ መክሰሰት እግል ሻብ ቅሩብ ሰኢላት እንዴ ትሰክለዩ፡ “ከላስ ደሐን ሰኢ ሸቅላይ ነዳፊት እግል ንውዴክ ሐቆ ተሐዘ ህሌክ፡ አዜ እለ መክተብዬ አንድፋ እዩ” እንዴ ቤለ እብ ዐመል እግል ልጀረቡ ሐዘ። ለሻብ እግል መክተብ ሰኢ እንዴ ወደ አንደፊዩ፡ ሐቆ እለ ለመዲር እብ ካድም ወገበይ በሊስ ናይላ ሻብ ሰበት ትረይሐ፡ ሐለፍክ ህሌክ፡ ፈዳብ! አዜ ኢመይልክ/ ፅንዋንክ ናይ እንተርኔት ሕደግ እዩ ቅሩብ ለልትመለእ ውረቅ ሰበት ህለ እብ እንተርኔት እግል እልክኩ እትነቱ ቤለዩ። ብዕድመ ሸቅል ምዶል ክም ተኣነብት እብ ኢመይል እግል አሰኢክኩት እት ልብል ደግመዩ።

ለሻብ “ናይ ኢመይል ፅንዋን አለብዬ፡ ኮምፒተር ከማን ትምቱም የአምር” እት ልብል በልሰ እቲ። ለመዲር “ሚ ትብል! ናይ ኢመይል ፅንዋን አለብክ፡ እት እድንዩ ትነብር ኢህሌከ!? እት እድንዩ ነብር ለኢህለ ነፈር እብ ከአፎ ሸቅል እግል ልርከብ ቀድር፡ ግድም መክተብዬ ሕደግ እዩ” እት ልብል ተሃራህረዩ። ለሻብ ለዐለት እግሉ በክት እላተ፡ ወእላመ ሰኢነዩ። እገሩ እት ልሰሐብ አሰክ ቤቱ ትወጀህ። እት ጂቡ ዐስር ዶላር ሌጠ ሰበት ዐለዩ፡ እለ ወዴ ሰኢነ ወግማቱ ትቀዌት እቲ።

እት ምግብ ገበይ ገሌ ፍክር ትቅብ ቤለ እቲ። እት ኦሮ ድካን ፈዋኪ ወሐመሊት እንዴ ጌሰ እበ ዐስር ዶላር ጠማጥም ዛቤ። እት ረከሱ እንዴ ረፈዐዩ ህዩ ቤት ቤት እት ገደሰ እግል ለአዝቤ

አንበተ። እት ቀበት ክልኤ ሳዐት እንዴ ከለሰዩን ምን ጀዲድ እግል ልዛቤ አሰክ ድካን ዐቅበለ። ምስለ መክሰቡ እንዴ ወደ፡ ጠማጥም እንዴ አብዘሐ ትዛቤ፡ ወምን ጀዲድ ክመ በዲር ለወደዩ እንዴ ከሰበ አዝበዩን። እብለ ሓለት እት ዘውር ወጠማጢሙ ለአዝቤ እትለ ምዕል ሌጠ ሕምስ ዶላር ኣተ።

እብ ክም እለ ሓለት እግል ልንበር ክም ቀድር ሰበት ደምነ፡ ጽቤሕ ምድር እት ቀንጽ እት ሸቅሉ ለልትፈረር ገበኦ። እብለ ሓለት አወል ካሮስ ወሐቆህ፡ መንኪነት እንዴ ዛቤ፡ ጠማጥም ሌጠ እንዴ ኢገብእ ብዕድ ፈዋኪ፡ ሐመሊት ወንበሪት እት ለአዝቤ፡ ሐቆ ቅሩብ ሰኖታት፡ ናይ ኖሱ መወዝዒ ለተዐሸገ ነበሪት ለለአዝቤ ምነ ሸሪከት እብ መሊክ ሚልዮነር ገብኦ።

ሐቆ እለ እት መክሰሰት ተአሚናት/መንገፎ እግል ዓኢሊቱ ውፋቅ እግል ልኦቲ እሉም ሰበት ሐዘ፡ እግል ኦሮ ናይ ተአሚናት ሸቅል ለለኣትሳልጥ ነፈር ትላከ። መፋህመዶም ክም ከለሰው ለመትሳልጣይ “ፅንዋን ኢመይልክ ሀበኒ በል” እት ልብል ትሰክለዩ። ለሚልዮነር እብ ጀህቱ ፅንዋን ኢመይል ክም አለቡ አሰክለዩ። ለአሳለጢ “ኢመይል ለአለብኩት አክል እለ ማል ለወዴክ፡ ሕሰብ ኣብሎ፡ ኢመይል ምን ለዐሌ እከ ህዩ አክልኦይ ማል ወወዴክ” እት ልብል በልሰ እቲ። ለሚልዮነር ህዩ ሻፍግ እንቱ “ኢመይል ምን ለዐሌ እዩ ዲ፡ ሸቃላይ ነዳፊት ወገብኣኩ” እት ልብል በልሰ እቲ።

ኢመይል አለብነ! መሸክለት አለብ፡ ንሸቆ ሌጠ!

ምን ቅያስ ወለዐል ምክር አክቦት

እት ሐያት ሕድ እት መክር ወትትሳዴ ነቢር ለሐሰት ወሰኒ ፍገሪት ለበ መንበረት እግል

ትንበር ሰዴክ። ልግባእ ደኣም ምን ቅያስ ወለዐል ምክር ወነሲሐት አክቦት ምን መሰለሐቱ መደረቱ ክም ትዐቤ፡ ወናይ ቀራር ንሰኣት መቅደረትክ ክም ለኣነቅስ ውላድ ሰዌሰራ ላቶም ባሕሲን አሸረው።

ለባሕሲን እትለ ወደዉ ሕፍዝ ዎሮ ነፈር እብ ሰበትለ ምክር/ አምር ለሐዘ እቲ ለህለ መጃል ምን ለትፈናተ አነፍት/አንፋር ምን ቅድረቱ ወለዐል እብ ብዝሐሐ ሐብሬ ዶል ለአክብ ቀራር ናይ ንሰኣት መቅደረቱ መረ ክም ትደህር፡ ወእት ደንገረት ክም ተርፍ ቱ ለሸረሐው።

ለባሕሲን ዎሮ ነፈር አወል እግል ቀራር ልንሳእ ዶል ለሐዘ እበ እት ጅውቱ ለልትሰመዑ ሸዑር እቡ እንዴ ደረከ ግማት ክም በትክ ተሐበረ። ወዳሐት ወረታዐት ናይ እለ ቀራር እግል አከዶት ህዩ ምን እት ደዋይሐ ለህለው ወሰኒ አምር እብ ሰበት እለ መጃል ቦም ለልቡሎም አንፋር፡ ክትብ፡ መክሰሳት ውበዕድ ልትሰኣል ወምኖም ምክር ለሐዘ።

ምን እለ እንዴ ትበገሰው ህዩ ምን ብዕዳም ለእንረክቡ ምክር ወለ ወልፍ ዶል እት ቀራርን ሴድያይ ወመሐብራይ ምንማ ቱ፡ ምን ዐደድ ወለዐል ዶል በዝሕ ናይ ከጠወት ንሰኣት መቅደረትን ወደማነት እት ነፍሰነ ምድር ክም ልትከረየ እብ ወዴ፡ እት ሸክ ክም ንትክሬ ወንትሻቀል ወዴ ልብሎ።

ለቀላይል ቀራራት ሐያት ክም ከረ ሚ ልባስ እንሉብስ? ሚ ነብረ ንብለዕ? እብ አየ ገበይ ኒጊስ? እሰወ ገህወት ንእቲ ውበዕድ ለመሰል ምን ናይ ክርስ ሸዑርን እንዴ ትበገሰን እግል ንውደዩ እንቀድር።

እትለ ዐባዩ ቀራራት ሐያትን ላኪን ላዝምቱ ምክር ወሰዳይት እግል ንሕዘ። እት ክም እለ

ሓለት ህዩ፡ ለምክር ነሐዘ ምኖም ህሌነ አንፋር እት ሐሪ እግል ንትሓፈዝ ለአትሐዘ። ለምክር ዶል በዘሕ እት ሸክ ሰበት ትክሬን መደረተ ኣመሮት ለአትሐዘ ልብሎ ለባሕሲን። ምን አንፋር፡ እንተርኔት ልግባእ መወሳኦል እዕላም ለእንረክቡ ሐብሬ እግል ልብዛሕ ክም አለቡ ቱ ለሸርሐ። ብዕድ እትለ እግል ነኣምረ ለብነ ልብሎ ለባሕሲን፡ አንፋር አው መክሰሳት ምስል ርእየቶም፡ ምራዶም ውበዕድ ሓጃት እንዴ ተንከበው ምክር ክም ለህይዩ እብ ኣመሮት ምን ምስል ናይነ ነዘርየት ለልትመሳሰል ፍክር ለቦም አንፋር ምክር ምን ነሐዘ ለሐሰ ክምቱ ሸረሐ። እብ ፍንቱይ እትለ ወቅት እለ ምን ኣፕልኬሽናት አው ገጻት እንተርኔት ለእንረክቡ ሐብሬ አው ምክር ምን ገበዩ ለሸክፈ እግል ልግባእ ለህለ በክት ዐቢ ሰበት ገብኦ፡ እት ተልገ እግል ኢልክሬን መትሓፋዝ ክም ለአትሐዘ መክምከሚ ወደው።

አህምየት ኣመሮት መባጽሕ እግል ደረሰ

ሐያት እምበል መባጽሕ ተርጀመት አለቤ። ለገት ለእነሰኣ ከጥወት እት ገሌ ሓጀት እግል በጼሕ ቱ። አሰክ አየ እንገደሰ ክም ህሌነ፡ ምዶል ወእብ ከአፎ መባጽሕን እግል ንብጸሐ ክም ወጅብነ ነኣክዱ። መባጽሕን ምስል መቅደረትን ለገደሶ፡ እግል ንብጸሐም ለእንቀድር፡ ዋድሓም ወክልሐድ ሚዶል እግል ንብጸሐም ነሐዘ ህሌነ እት ወግም እግል ነኣትይ ወጅብነ፡ “እግል ሚ ምን ትልህዩ ወመትመሻይ ሕፍዝ ሐሬነ? ለሳድፋነ መሻክል እንዴ ሐልፍነ እግል ንብጸሐ ነሐዘ ለህሌነ መባጽሕ ሚ ቱ?” ለልብለ ሰኢላት እብ ዋጅብ እግል ንብለሰን ላዝም ቱ። እት ኣክር ሰፈርነ

እግል ሚ ቱ? እለ መባጽሕ እለ እግል ሚ ክም ሐሬናሁ ሐቆ ኣመርነ፡ እግል እት ገበይነ ለሰድፋነ መሻክል እግልንሕለፎም ወለለኣትሐዘ ዐውል ንድፈዕ እሉም እንቀድር።

ክል ምዕል እግል ሚ እት መደረሰት ነኣቀባብል? ዕልም እንዴ ከሰብነ መትጃግረት ወፈዳብያም እግል ገበኣት ወለ መታሊት ምልሕያምን እግል ንግበእ? እለ ሰኢል እለ ላዝም እግል ንብለሱ ለብናቱ። 12 ሰነት እንዴ ደረሰነ፡ ሐቲ እንዴ ይእንጽብጥ መታሊት ለንዩት ድራሰት ለቦም ወላሊ ወኣምዕል ለሸቁ ደረሰ እንዴ ገኣነ እግል ንትረፍ ለሻቅል፡ ለለኣትዕስ ወለለኣክጅል ቱ።

እብ ተውሳክ መባጽሕን ናይነ ወንዮትን ክም ቶም ነኣክድ። እለ በህለት ምን ጅውትን ለልትበገሶ ወምራድነ ለለኣተሞ እግል ልግብኦ ቦም። ንዮትን ወምራድነ ምለዐል ለገኣ ነፈር ኖሰናቱ ለነኣምሮም። ሰበት እለ ሚ እግል ንግበእ ክም ነሐዘ እግል ነፍሰነ ንትሰኣለ። ለበለሰ እት ጅውትን ህለ። ብዕዳም አንፋር እግል ለኣትማክሩነ እምበል ህቶም ክእነ ግብኦ ውውደው እግል ሊበሉነ አለብ።

አሰክ አየ እንግደሰ ክም ህሌነ አክልሕድ ሐቆ የኣመርነ እተ ለነሐዝዩ እግል ንብጸሕ ይእንቀድር። ሰበት እለ እግል ንርከቡ ነሐዘ ለህሌነ እግል ነፍሰነ ንትሰኣል።

እብ ከአፎ እንበጽሐ ህዩ እግል ምኒን እብ ዕምር፡ ድራሰት ወተጃራብ ለለዐብነ ንትሰኣል። ክመ እት ለዐል ለትሸረሕ፡ አዘ እት ወቅት ዕርፍ ከረም ለህሌነ ደረሰ፡ ምን አዘ ናይ ለትመኣጽእ ሰነት ድራሰት በርናምጅን እብ ኣፍገሮት እግል ትሩድ ካድም መዳላይነ እግል ነኣክድ ሰኢ ቱ።



ደደፍ ክመ እተ ዓደትለ ዘመኑ ለሱረት ዲብለ ሲጋዱ አተሀንጦጠለዩ። ከሸንከትለ ግንራራብለ ኒል እንዴ ረትዐ ምኑ ጀልበት ትካረ ወገጽ ቅብለት አተጀሀ። ሚ ወዴ ክም ሀለ ለአምር ይዐለ። ወእብ ሰብብ እሊ መዋዲቱ ለልትከሬ ዲቡ መዋድቅመ እት ወግም ኡቱዩ ይዐለ። እግል ልትብህል ለቀድር ጋር ዐለ ምን ገብእ። ህቱ ጅን ሻም ሰበት ከብሀዩ ሊካሁ ሰምዐ ወአሰሩ ሌጠ ገብእ ዐለ። እብሊ ሰብብ ለሸዑሩ እግል ለሰይጥር ዲቡ ሰበት ኢቀድረ አስክለ አክረቱ ለኢደለ ሀደሩ ገጹ ቀደም ሌጠ ሸኮተ። ህቱ ግድም ለደሐን ላተ ሰ'ረቱ ወልቡ ሃባት ሻም ቃመደዩ። ምናተ እሊ ለእብ ሻም ልትቀሌ ሀለ ልብ እምባል ሐጠር እት ኢኮን እግል ፈርሀት ወአቢ ሞት ላተ አካን ይዐለት ዲቡ። ፍጀዕ ወሰከይ ምን ብቆት ለአምር ሰበት ይዐለ። ለሐሰለት ትሕሰል ገጹ ቀደም ሌጠ አሴረረ።

ለጀልበት ሸንከትለ እትጃህ ለማይ ልትደሬቡ ትገይስ ሰበት ዐለት ወእትረአሱ ቀለጭምለ መንደላይ እግለ ምጅዛፍ እብ ሐሊት ወሸፋግ ነዘዑ ሰበት ዐለ እግለ ማይ እት ክልኤ እንዴ ሰጥረቱ ገጽ ተሐት ተሀርበበት። ደደፍ ህዩ ለክልኤ ዕንቱ ለዔርባይቱ እግል ለአትቃምተ አስክለ ግንራራብለ ነሀር ናድአን ዐለ። ዶለ ሰልፍ እምበለ ጀራዲን ትጃር መነፍ ለእበ ረአሰለ መሳጥብለ ሩኻም አስክለ ማይለ ኒል እድርወሩያት ለዐለዩ ሐቲመ ርኢ አበ። እብላሁ እት እንቱ ወሐቱ እንዴ ኢልርኤ ዋሰል እንዴ ዐለ ምን ረዩም ጃርዲንለ ሮሻን ናይ ፈርዑን ዶል ረኤ። ምነ ሐራሰ እግል ለአሪም ሰበት ሐዘ ለጀልበቱ አስክ ምግብለ ነሀር ሚለ እበ። ከዶል ለቅሩባይ መዕበድ አቢስ በጽሓተ ምን ሐዲስ ሸንከትለ ግንራራብ ትጸገዐ። ቅብላትለ ጋድም ለእት ወቅት ዓያድ ምን ኢገብእ እት አውቃት ብዕደት አዳም ለኢከይዱ እንዴ ገብአ ሸንከት ቅብለት ገጹ ተሐት ተሀርበበ። እግል ልጸበር ወሰእዩት እግል ልብተክ ቅሩባይ ዲብ እንቱ ምን ረዩም ሐቲ መጅመዑት ናይ አዋልድ ሐረሰቶት ለእገረን ዲብለ ማይ እንዴ ቃመሸያሁ እተ ግንራራብለ ነሀር ጉሱያት እት እንተን ረኤ። ለልቡ ምን ክትርመ ሀንደገ በቲክለ ሰእዩት ምክራዩ ትቀዌት። ወለዕንቱታቱ እብ ሰእዩት በርሀዩ ወአንጨዋርሐዩ። ላመ ሐሊቱ ትደቀበት ወእግለ ጀልበት ሸንከትለ ግንራራብ አጽበጠዩ። ዶልተ ከሸንከተን አክለ ቀርባቱ። በል ለአብል እተን ወልትፋጠን ዐለ። ክም ቀርበዩን ወለ አግጸተን ረኤተ። ርሐ እንዴ ኢደሌ ለአፋሁ አግሀጸ ወክርን ፈግረት ምኑ። አክል አሕድ ክመ እተ ነፈር ለሕጃብ ለአመተ አለቡ ዶል ልርኤ ለወድዩ ክርን ለትማሰል ክርን ወደ።

ለሐረስታይት ለእግለ ተውህ ዐለ ወሱረተ እት ልቡ ስምርት ለዐለት እት ምግብለ መልህያተ እተ ግንራራብለ ነሀር ግሲት እት እንተ ክም ረኤዩ። ጠምጠም ናይለ እግል ልትረቅ እት ለሐዜ ወእት ልትአሳጥ እት ረኤስ በልቀት

ትርድት ለትከረ ነፈር ለልሸዕር እበ ፈርሐት ወለውቀት እሉ ጠምጠመ ወእቡ ሸዐረ። ኩለ ለሓለት - ክመ እለ ሀደግነ - ሓለት ሕልም ሌጠ ትመሰል ዐለት። ለጀልበቱ ቅሩባዩን አብጠረዩ። ደደፍ እተ ረአሰለ ጀልበቱ እበ ሮማይት ብዋረቱ ለበድለቱ ጸዕደ ላብስ እት እንቱ ብጣሩ ገበኤ። ለግሩም መባትክለ ገርቡ ክመ እተ እግል ዕባደት ለአዳሌካሁ ናይ ሐሊት ትምሳል መሰል ዐለ። ወለ ለኢትትወሰፍ ግርመቱ ህዩ ክምሰል ኢላህ ኒል ምነ ቅዱስ አምዋጁ ለሀድአ መሰል ዐለ። ወዲብ ለአግሀጽ ለዕንቱታቱ አስክለ ገጽ መላእክት ሌጠ ለኢትቃምተ ዐለዩ። ለሐረስታይት ህዩ ሰኒ ሕይርት እት እንተ ለዕንቱታተ ዲብለ መልህያተ ኬን ወእንሰር በላለሱተን። ህተን እብ እንክረን ለኖራይ ገጹታይ ሌጠ አትቃመተዩ። ዶለ ሰልፍ ለሐልፈን ሀለ መሰለዩን። ምናተ እተ አካነቱ ቀሴ ክም ረአያሁ ለእገረን ምነ ማይ እንዴ ከማከመዩ ከለሰነድለን ዲብለ እገረን እንዴ ላወሸዩ ሰኒ ትፈክረዩህ።

ደደፍ ምነ ጀልበት ብት ቤለ ከእንዴ ትከረ ምን ቅሩብ ቀርቦ ዲበን። ክእግለ ሐረስታይት እብ ክርን ሓምላት ክምእለ ቤለዩ፦

- እለ ሐረስታይት ግርም ረቢ ምሴት ኬር ወበርከት ለአተምሰዩ እዩ እንሻለ።

ፍክርት እት እንተ አቅማተት ክብር አቅመተቱ። ወምነ ክለባተ ለዐለዩ መልህያተ አክራናት ዩም አለቡ ትሰምዑ፦

- መንባዬ ሚ ተሐዜ ምኒነ ህሌክ?

ገበይክ ጽበዋ ትወከል እግልከ።

ግንሐት ሕሜት ዲብ ገነሐ ክም እለ ቤለ፦

- ሰላም ኢትብልሲ ዲብዩ?

ቅጽብት እት እንተ ገጸ ኬን በልሰቱ ምኑ። ብዝሓት ምነ መልህያተ በልሰዩ ዲቡ፦

- እንተ መንደላይ ገበይክ ጽበዋ። ሕነ ምስል ነፈር እሉ ኢነአምር ሁጉያት ይሕነ ቀደም እለ!

ደደፍ ክም እለ ቤለ፦

- አሃዩእ! እሊ ምድርለ በርከት ለዲቡ ትከለቅክን ለሰቡ ጋሻይ ኢፈቱ ገብእ?

ሐቲ ምነን ናይ አማነ እት ትትሃጌ በልሰት ዲቡ፦


- እንተ ላቱ ጋሻይ ክም ይእንተ ወትተርጀግ እትነ ክም ህሌክ ለገጽከ ሌጠ ለአሰኢል እብከ ሀለ!

- ሕርመት ገብእ ይእንቲ። አፎ ክም እለ ረሕመት ሰኢንኪ?

- እብ አማን ጋሻይ ገብአክ ምን ገብእ። እለ አካን እለ አካን ጋሻይ ኢኮን። ገጽ ግብለት አሰክ መነፍ ዐቅብል አው ዶል ሐዜክ ሸንከት ቅብለትመ ርተዕ በል ምክዩር እንተ። ባረክ እንሻለ እብ ሰላምነ ሕደገክ። ሕነ ምስል ለኢነአምሩ ነፈር ኢንትሀጌ ወሁጉያት ኢሕነ ቀደም እለ!

ደደፍ እብ መትሃዋን ፎቃዩ እንዴ ነክነክ እብ ጭብዕቱ አሰክለ

ተመህ ቀደር



ሐረስታይት ለግርም እት ለአሸር ክም እለ ቤለ፦

- መንባዬቼ ላተ ምን ኢተአጠልም ሰኒ ተአምረኒ።

ዐጀብ በኡተን ወአስክለ ግርም ሸንብሬበት ምን አቅመተዩ እብ ሐሩቀት እት ትትቀሌ ረአያህ። ወክም እለ እት ትብሉ ሰምዐያህ፦

- እብ ሐሰት ተአፍተሬ ዲብዩ ህሌክ!!

ለመንደላይ ክም እለ ቤለዩ፦

- ኢፋልዬ። እብ ረቢ ትግበአኒ እብለኪ ይህሌኮ። ምን አመርኮኪ መደት ትርድት ዋዲ ህሌኮ። አዜ አስክኪ ለአምጸኤኒ ሰብብ ሰፈላልኪ ምን ቀትለተኒ ወሐሊት ሰብር ምን ሰኢንኮ ሌጣ ቱ።

በዐለ ጀላል ግርመት ምን ቅያስ ወለዐል ሓርቀት እት እንተ ክም እለ ትቤ፦

- ዕንዩ ቀደም እለ ርእዩትክ ምን ኢትገብእ እብ ከአፎቱ ክም እለ ትብል ለህሌክ?

ወሐቱ ምነ መልህያተ ህዩ ክም እለ ወሰከት እለ፦

- ሐቆ እላመ እግል ትርኤክ ሸንህት አለበ።

ወሐቱ ብዕደትመ ምነ ለትትኬለም ዘዐት አስመዐቱ፦

- ጅኑድ ህዩ አዋልድ ልትካረፎ። ምን እለ ተኣኪ ህዩ ሚ ህሌት!

ከበረንመ ኢነሰኤ። ወእግለ ዕንቱ ካሪ ዲበ ለዐለ ወለት ክም እለ ቤለዩ፦

- ሐቆ በዲር አመርኮኪ ወእት ልብዬ አካን ሀብኮኪ ላቱ ግድም...

- ሐሳይ። ምስሕት ሐያሁ።

- ሓሸዕ ወከለ አናዲ ኢሐሴኮ። ምናተ እሊ ሀገጊት ገበዩ ሳርር እሕትራም ጀላብለ ምኑ ፈግር ሀለ አፋታይ ግሩም እስትሕመሉ ህሌኮ ደሐን ቱ።

- እለ እንተ ሰኒ ሐሳይ ወነሳብ እንተ ሌጠ። ወእለ ገበይ እለ ጸብዋ ህሌክ ምን ተአውልዋ ምነ ለሐይሰከ!

- ሓሸዕ አናዲ ሐሴ ይህሌኮ። እት አምርተ አማንዬ ህዩ እላተ። እንዴ ቤለ ለእዴሁ እተ ሲጋዱ አተዩ ወክም እለ እት ልብል ለሱረት አርአዩ፦

- ዕንታቼ እብ እሊ ጀላል ግርመትኪ ምን ኢልትመለኦ እለ ሱረት እለ ወረሰምኮ መሰለኪ?

ለሸንብሬበት እግለ ሱረት ተማም ክም ፈጥነቱ። እብ ፈርሀት ወሐሩቀት ጨጭ ትቤ ዲቡ። ላመ መልህያተ ምነ ወለዐል ሐርቀዩ። ሐቱ ምነን ህዩ ለሱረት እግል ተኣትሐድጉ ሀድመተን ብት ትቤ ዲቡ። ምናተ ሻፍግ እት እንቱ ለዐል ጸብጠዩ ምነ ወለ ሱረት ሰበት አድሐነ እብ ፈርሐት ተበሰም እት ወዴ ክም እለ ቤለ፦

- አዜ አካንኪ ዲብ ልብዬ አክል አዩ ዐባይ ክምተ ረኤኪህ ሚ ኢፋልኪ።

ሰኒ ቅጽብት ዲብ እንተ ክም እለ ትቤ።

- እሊዲ አከይ አደብ ወሰፋህት ሌጠ ቱ።

- አፎቱ? ለግርመት እንዴ ፈቲኮ ሰበት ሰወርኮሃ ቱ።

ሰኒ ሓርቀት እት እንተ ወእት ትትረጀዩ ክም እለ ቱለቱ።

- እለ ሱረት እንሰር በለ።

እተ አፋሁ ሕብር ሐሊብ ለትመሰል ተበሰም እት ትትረኤ ክም እለ ቤለ፦

- ርሕ ዲብ ህሌት እቼ ላቱ እት እዴ አርት ይእክርዩ።

- ደረሳይለ መድረስት ለሐርብዩት ክም እንተ አምረት ህሌኮ። እሊ አከይለ አደብከ ለከፈኦ ጀዘ ክም ትትጃዜ ዲቡ አምር።

ራውግ እንቱ ክም እለ ቤለ፦

- ጀላብ ርእዩትኪ ኩሉ ወላሴመ ኢኮን ወለ ሞትመ ምን ትገብእ ራዲ እበ እኮ።

- ምንኮር! በለ ዲብ እንተ ገብእ ትከሬክ ዲብዬ።

- ረሕመት ለትወጅቡ በለ ላቱ ዲብዬ ክሩይ ሀለ።

- እለ ሱረት ሚ እተሐዜ ረሰምካህ? ወአዜ ምንዬ ተሐዝዩ ለህሌክ ሚ ተ?

- ለሱረት ምነ እለን ዕንቱታትኪ ለከረያሁ ዲብዬ ሕማም ሰራይ ምን ትገብእ እዬ እንዴ እቤ ጸበጥኮህ። ከአዜ ምንኪ ለሐዝዩ ጋር ሀለ ምን ገብእ ምነ እብ ሰብብለ ሱረት ለትከረ ዲብዬ ሕማም እግል ትሳርኒ ሐዜ ህሌኮ።

- እት ሐያትዬ አክል እለ ሰፊህ ላቱ ነፈር ሳድፈኒ እብል ይዐልኮ።

- ወአነ ህዬ። አመተ አለቡ ሐቱ

ዶል ልብዬ ወዐቅልዬ ምስል እግል ልትሰለቦ ምንዬቱ መሰለኒ ዐለ ገብእ?

እለ ዶል እለ ሐቱ ምነ መለልሂተ ጨጭ ትቤ ዲቡ፦

- እንተ እብ እማመት ለውቀትነ እግል ተሐምርግ ዲብነ ማጽእ ህሌክ?

ሐቲመ ብዕደት ክም እለ ቱለቱ።

- መንደላይ ከአፎ ጅግሉብ እንተ እለ እንተ። እመን ምነ አዜ ዲብ እንቱ ምን እሊ ገጽነ የአውለጥክ ምን ገብእ ለምድር እብ መውዲታት እግል እበልሱ ቱ።

ብዙሕ እንዴ ኢልትሻቀል እግለ ድዋራት እንዴ አቅመተ ከእብ ምልሃሁ ክም እለ ቤለ፦

- ምን ረቢ ከልቂኒ ገሌ ጋር እንዴ ትሸነህኮ ከምራድዬ እንዴ ይእበጽሕ ዕቅቡል ይኣኮ።

ለሐረስታይት ግርም ክም እለ እት ትብል ተሀራሀረቱ።

- እንተ እንዴ ይእፈቱ እግል አተንሴክ ትቀሰበኒ ህሌኮ።

- ኢፋልዬ ምናተ። ለልብኪ ረሕመት እንዴ ወደ እብ ኖሱ እግል ለአተንሴኒ ምን ልትሸነህ ሰኢኮ!

- ወለቀልብዬ ምን በልቀት ወኬን ምን ጸንዕ ወረሕመት ምን ልሰእን ህዩ ሚ ትወዴ?

- እሊ ነሕሬታይ ሓምል ላቱ እት ቀበቱ በልቀት ተሀሌ ኢመሰለኒ።

- እት ቀደም ሰፋህትለ ጅግሉባም ላቱ እት በልቀት ሌጠ ልትበደል።

- ወእት ቀደም ጥርግን ሰብ ሻም ህዩ?

እበ እገረ ለምድር እት ተሐፍር ወሰኒ ሓርቀት ዲብ እንተ ክም እለ ትቤ፦

- ምን በልቀት ወኬን ጸንዕ።

- ረሕመት አለበ ወልበ ሰኒ ጽኑዕ ቱ ለትትበህል ሸንብሬበት ለልበ ክመ እተ ቅጥዐተለ በረድ ቱ። ትንፈሳይ ሕፋን እበ ባክ ዶል ለሐልፍ ትትመዩሰ ወክመ እተ ማይ ትጀልሕ።

እት ትተርጀግ እቱ ክም እለ ትቤ፦

- እለ ህግያክ ልዕግልት ትመሰል እትክ ህሌት እንተ ጅንዲ ፋሰድ ክም እንተ ተኣክድ። ወምን አመረ ወለትመ ዲብ እንተ በለሊት ዐስከሪ እንዴ ለበሰከ እብ ዐቅል አዳም ትተልሄ ተሀሌ። ወእሊ በለሊትለ ዐስከርዩት ክመ ቀደም እለ ሱረትዬ ለሰረቅካህ ኣላሁ የዕለም ሳርቁመ ትገብእ እለ እንተ።

ተበሰም

• ምርት እናስ ክልኡት ሐንገል ትዛበ ከዲብ እሲቱ መጸ እዐም። ወእተ ቀደሚህ እንዴ ከረዩም። የለ ንዲ ንብለዕ ቤለዩ። ህተ ህዩ ምርቶም እንዴ ሀረሰት እበ ምረሐሬህ ከሬቱ። ከእሊ እግል እምዬ ቱ ቱለቱ። ህቱመ ለካልኣይ ሐንገለ ሀረሰ ወእሊ እግል አቡዬ ቱ ቤለዩ። ህተ ህዩ። “ሃዩእ። ከሕነ አዜ ሚ እግል ንብለዕ ቱ?” ቱለቱ። ህቱ ህዩ። “ሐንገል አቡዬ እግል እክሬ እኪ ገኣኮ ምን ገብእ። እንቲመ ለሐንገል እምኪ እተ አካኮ ብሌሱ” ቤለዩ።



“ሽባብ፡ ደብዕት ኩሉ ለአጸልል ዲባ ቱ” ሚ/ጀነራል ረመዳን አውልያይ

ኣይሳም ቂርኣት ጀሪደት ኤረትሮፕ ሐዳሴ፡ እተ ሐልፈየ ኣምዓላት ቅሩብ ሳዋ ኣንፋር 35ይት ደውረት ክድመት ወጠን ለአድሐረት ዲባ መናሰበት፡ ምስል መስኡል ሀይኣት ተድራብ ቅዋት ድፈዕ ኤረትሮፕ ሚጀር ጀነራል ረመዳን ዑስማን አውልያይ፡ መቃበለት እብ ክሰሱ ዶር ሳዋ እት መዳፍዑት ወዐማር ወጠን ዋድያም ዐልኑ፡ ቅራኣት በኪተት፡



ሰኣል፡ ከልፍየት ወእንቡተት ሳዋ ኣብ ተውዲሕ እግል ተህበኝ?

በሊሱ፡ ሳዋ ሐቆ ሕርየት እት ሰነት 1994፡ አወላይት ደውረት እብ ኣሰተብዔት፡ ኣካን ተድራብ ዐስከሪ ሌጠ ሰበት ዐለት፡ በዲር እት ክል ሰነት ክልኤ ደውረት ተአድሕር ዐለት፡ ሐቆህ ናይ 12ይ ፊልል ድሩስ ኣካዳሚ ዲብ ሳዋ እግል ልትህየብ ክም ትቀረረ፡ ዲብ ሰነት ሐቱ ዶል ደረሰ እንዲ ትከብተት፡ እብል ድራሰት ኣካዳሚ ተህይብ ወእብ ኦሮ እንክርመ ተድራብ ዐስከሪ እንዲ ክሰሰው እት ኩልያት ለኣቱ ወዲብ ዐማር መዳፍዑት ልትከሰኡ፡ ወእብሊ ኣሰክ እለ እሳተ ዮም ዓመት 35ይት ደውረት ክድመት ወጠን ተአድሕር ህሉት፡

ሀደፍ ናይለ ክድመት ወጠን ህዩ፡ ለበዲር ናደለው ወዲብ ንዳል ሻረከው መናድሊን፡ ደውለት ድምርት ብንዮት ትሕትየት ወእቅትሳድ ለአለበ ወሽዐላመ ላጅእ ወመሳክቡ ዋሉቅ ጸንሐዮም፡ ከሐቆ ሕርየት ክል ሻብ ዋጅቡ እግል ለሀብ ወእለ ሃግግ ለሀለ ምድር ወእቅትሳዱ ህዩ ለሽባብ እግል ለዐምሩ፡ ልዕቀቡ ወለአሰንዩ ሐዞቱ እግል ሊዴ እንዴ ትበህለ ለትሰተታቱ፡ እት ዐስከርየት ሌጠ እንዴ ኢጉብእ ህዩ፡ ዲብ እግል ወጠን ለልኣትሐዜ መጃላት ዐማር ክም መዳርሴ መሕደር፡ እሰብዳልያት፡ ኣግቡይ ወእሸቃል ብዕድ ለሽባብ ዶሩ እግል ለሀብ ወእት ተፅሚር በለዱ እግል ልሻርክ ቱ ለበርናምጅ፡ እለ በርናምጅ ፋዩሕ ህዩ ኣሰክ ኣዜ ሰኒ ገይሰ ህለ፡ ወሽባብመ እብ ተአሰትህል ዋጅቦም ወዱ ህለው፡

ሐቆ 1998 ህዩ ወራር ናይ ወያኔ መጽኢኑ፡ ወጀላብ ስያደት በለድ ህዩ ዲብ እለመ ሽባብ ክድመት ቶም ምስለ ገዳይም ሊጋብህወ፡ መደትለ ወራራት



ሽባብ ሳዋ፡ ዲብ ሰር ማርሺን

ህዩ ኣሰክ ሳመ ክድመቱ እንዴ ሀበ ሱርሕ ለዐሉ ምን ክል ምድር ካርጅ ወክርስ ዐድ መጽኢ ወኣሰክ እለ መርሐለት ኣዜ ናድል ህለ ወላመ ልትሳረሕ ምን ዐዱ እርዩም ኢኮን፡ እብ ማሉ፡ እብ ነሐሩ ወእብ ልቡ ዐዱ ለዐቅብ ህለ፡ ዋጅብ ወጠን ህዩ ዲብ ኩሉ ኤርትራ ሰበት ቱ፡ ክመ ሕክመት ትግራይት፡ “ሽባብ ደብዕቱ፡ ኩሉ ለአጸልል ዲብ” ለትብል፡ ለሽባብ ክምለ ምን ጸሓይ፡ ብርድ፡ ወዝላም መጽህይ ለነሐዜ፡ ምን ክል እኪት ሕጌ ደውለት ለጉብእ ለሽባብ ቱ፡ ወዲብ እለ ሽባብ ኤረትሮፕ ዐደድ ከፍዮ ሸቀ ወሸቁ ህለ፡

ሰኣል፡ ተጠውር ሳወ እት ብንዮት ትሕትየት ምን ጉብእ ወኣዳመ ሚ መስል?

በሊሱ፡ መሸርዕ ዲቡ ዶል ተአሰተብዔ፡ ላዝም ለመሸርዕ ሚ ለኣትሐዝዩ፡ ሚ እግል ቲዴ እሉ ክም ብከ ወክኢፍ እግል ሊጊስ ቱ፡ እንዴ ትደረሰ ሰበት ልትብገሱ፡ ለሐቱ ደውረት ክድመት ወጠን እብ ሐዱ ምን 25 ኣልፍ ኣሰክ 30 ኣልፍ ሽባብ ልትክረው ዲብ ዐለው፡ ከምን መርሐለት ዲብ መርሐለት እለ ዐደድ ብዞሕ ሚ ክም ለኣትሐዝዩ ኣርደት እንዴ ትሰኔ ወትሓየስ ትመጽእ፡ መስኣለት ማይ፡ ጽላል፡ መናበረት፡ ሰከን፡ ከህረበት፡ ዐወሊ ወብዕድ ኩሉ ምስሉ ለገይሰ ወእት ዘይድ ለመጽእ ቱ፡ እለ እግል ቲዴ ጉብኣክ ምን ጉብእ ፈንዩን ለኣትሐዝ፡ በዲር እት ምድር ወዲብ ዳሳት ሰክቦ ለዐለው፡ ዮመቱ ክምስልሁ ኢኮን፡ ዐራታት፡ ደዋሊብ፡ ሰከን ሕበር እንዴ ትዳለ ሸቁይ ህለ፡ መዐስከር ዐቢ ሰበት ቱ፡ እግል ኣፍራሙ፡ ሰከን፡ ከፈቲርያቱ፡ መክተባቱ፡ ከህረበት ተኣትሐዝዩ፡ እለ ሳዋ መዲነት እብ ተማማ ቱ፡ መዲነት ሽባብ ዶል ትትበህል ህዩ፡ እለ

ወቀይ እለ መሬሕ ለሀለ እግለ መጽኢ ለሀለው ሽባብ ወእግል እለ መዐስከር ለትጉብእ ስያነት፡ ተክጢጡ፡ ኣግቡዩ፡ ኣፍሱሉ፡ ክጡጥ ማዩ ወብዕድ ፈንዩን ብዝሓም ለሸቅዉ ቱ፡ እለ ወርሻት ናይ ‘ማሞ’ ለሽባብ ሰብ ቅድረት ሰናዐት እግል ልግብኦ እብ ማል ብዞሕ ለትበናቱ፡ ናይ ዲግራ ዲፕሎማ ወሽሃዳት ንቀጥ ለኢረክበውመ ምህናት ብዞሕ ክም ደርሶ ጉብኢ፡ ሰናዐት ሐቆ ህሌት ህዩ ላመ ደውለት እት ዐማር ዶል ትትፈረር ምህንዩን ለኣትሐዝወ፡ ናይ ክጡጥ ማይ፡ ከህረበት፡ ኮምፕዩተራት፡ ሕዳደት፡ ነጃረት፡ መካኒክ፡ ሕሳባት ወብዕድ ምህናት ብዞሕ ክም ደርሶ ጉብኢ ህለ፡ ኣሰክ እለ ህዩ እሎም እት መድረሰት ቱክኒክ ‘ማሞ’ ኣሰክ እለ 13 ደውረት እድሕርት ህሌት፡

ሰኣል፡ ኣዜ 35ይት ደውረት ትደሐር ህሌት፡ ከእለ ደውረት እት ኩሉ ተጠውራተ እብ ፍክር ልግብኦ ውብንዮት ገርብ ከኣፍ ዐለት?

በሊሱ፡ እተ 34ይት ደውረት እብ ሰበብ ኮቪድ-19 ገሌ ተኣኪራት ዐለ፡ ከለደውረት ለሀ ክም ፈግረት፡ እለ 35ይት ትክሬት ወሐል እንዴ ኣዶረት ትትደሐር ህሌት፡ ክምስል መጽኢው ህዩ ናይ ንዞም (እንድሳዋ)፡ ናይ እሕትራም፡ ናይ ቃትን ወብዕድ ለልኣትሐዝዮም ኣሸዩኦ ዲቡ ሐብሬ ትትህየዮም፡ ሐቆህ እት ድራሰት ኣካዳሚ ለኣቱ ወኣወላይ ሰሚሰተር ወኣልእ ደርሶ፡ ደርቡ ህዩ ማትሪክ ወዱ፡ ግራሁ ቱ እግል ተድራብ ዐስከሪ ለነሰኡ፡ ከእለ ደውረት ዲብ እለ ለትህደን ለሐሰት ደውረት ዐለት እግል ኢበል እቀድር፡ መደርቢኖም ክመ ቀየመዎም ቱ ህዩ፡ እብ ንዞም፡ በቃዐቶም፡ ሰዳይት ኖሰኖም፡ እት ሕሰር ወመታብዐት ድራሰቶም፡ እት ተድራብ ዐስከሪ ወእት ክሉ ኣሸዩኦ ሰኒ ለትቀየም ደውረት ቱ፡

እትሊ 35ይት ደውረት እንሰር ለከልኣቱ ወክድ፡ እብ ቦጣት ለዐለ ማይ፡ ኣዜ ክጡጥ ማይ እብ ከህረበት ክም ልትመደድ ወመልእ እሎም እንዴ ጉብኢ፡ መሐገዝ ማይ ለረሀ ዲብ መደት ቱ፡ እለ ክል ዶል ሳዋ ሚ ንቁስ ክም ህለ እንዴ ትደረሰ ተቅዩር ጉብኢ ዲቡ፡ ለማይ ዲብ ረኣሰለ ዐክል ዲብ ከዛናት እብ ሐለት መቶራት ከህረበት ክም መልኦ እብ ስሕበት እት ኩሉ ለመዐስከር ልትክሬ ወለኣሰቱ፡ እት ክጡጥ ከህረበትመ ኣትሳናይ እንዴ ጉብኢ፡ እግል ሰከን፡ መክተባት፡ ሸዋሬዕ፡ ከፈቲርያት ወኣፍራም ሰኒ ክም ልትሓየስ ጋብኢ ህለ፡ እት ጽብ ኣብያትመ መታብዐት ትጉብኢ እሎም፡

እት ርያደትመ እት ሰነት ክልኤ ኢነት ጅግራታት ዲብ ፍንጌ መዐስከራት እት ጉብኢ፡ ብዝሓም ምን ውላድ ወኣዋልድ ለልኣሻርክ ጅግራታት ጉብኢ፡ ከዲብ እለ ኩሉ እለ ደውረት ሕምድት ክም ተ እግል ሐብር እፈቱ፡

ሰኣል፡ ዶር ሳወ እት ወራታት ዐማር መዳፍዑት ወጠን ከኣፍ ትሸርሐ?

በሊሱ፡ በርናምጅ ክድመት ወጠን እንቡታም ሰበት ጸንሐኑ፡ ስያደት ወጠን

ምንመ ትጃረበት ኢህንቀልቀለት፡ መሰለን ለወያኔ ህረሰዩ ወራራት 1998፡ ዲብ ብቆት እግል ልካሩት እንዴ ቤለው ቱ ለከሰኣው፡ እብ ፈድል ሽባብ ክድመት ህዩ ወራራቶም በልቀት ዐላል ኬደ፡ ኣባያምን ሀደፍም እግል ልብጽሖ ኢቀድረው፡ ወጠን ቀዳምያም ሐረረወ ወሓርያም ከዱመ ወለዐቁቡ፡ ክድመት ወጠን ህዩ እት ዐማር መዳፍዑት ዲብ ኩሉ ሐዞተ ውቅል ቱ፡ መሰለን እት ዐማር፡ ከዛናት፡ መዳርሴ፡ ዕያዳት፡ ኣግቡይ ወብዕድ መሻፈዕ ዐማር ሸቁ ለሀለው ህቶም ቶም፡ መሀንድሲን፡ ደካትራ፡ ማሸን ኣፕሬተራት፡ ኩሎም ህቶም ቶም፡

ሰኣል፡ ሽባብ ሳዋ ሕሸዋታት ለሰውረትን ዐውተ ከኣፍ ከሰብ ህለው ትብል?

በሊሱ፡ ለልትረቤ ህለ ሽባብ፡ ምን ናይ ኣበው፡ ኣብዕቦታቱ፡ ኣቦታቱ፡ እማቱ ወሐወ ለልትፈንቴ ኢኮን፡ ለታሪክ ቀዳምያው ምን ጀራይድ፡ ረዋዲ፡ ተለፍዝዮን ወዲብ መዳርሰመ ደሩሱ ወሰምዕዉ ሰበት ህለው፡ እት ቅዩም ወጠን ፈዳብያም ቶም፡ እሰልፍ እብ ታሪክ ዐዶም ከልፍየት ካፍየት ቦም፡ እት ሳዋ ክም ትክረው ህዩ ምን ጀብህት ሽዕብየት ልግብኦ ውብዕድ ውዛራት እግሎም ሰሚናራት ለትህይዮም ህይኣት ከዋድር ትመጽእ ወትህይዮም፡ ወእብሊ ፈሀሞም፡ ቅድረቶም ወእንትብሆም እት ዘይድ ገይሱ፡ እትለ መደት ጎኑ ምን



ሚ/ጀነራል ረመዳን አውልያይ

ምን ሚ ቱ ወክኢፍ እግል ልትጸባቦ ትብል?

በሊሱ፡ እለ ኣሸዩኦ እለ ምን እዳርዩን ወልጃን እግል ልትከደም ዲቡ ለቡ ቱ፡ እብ ጅግራፍየት፡ ሚ ለመስል መጅተመዕ ቱ፡ እሰልፍ ኣዳም እት መሕደርታት እንዴ ትከምከመ እግል ልድረስ ቡ፡ እዳርዩን እትሊ ምን ሰብክ ወሰግም እግል ለኣትሐዱ፡ መደርሲንመ ሰኒ እንዴ ኣድረሰዉ እሰልፍ ሐዳረት ወተዕሊም እግል ልትረከብ ቡ፡ ምስል ብዕድ ድዋራትክ እግል ትትጃገር ወትድረስ ኢቀደርክ ምን ጉብኢ፡ እብ ሰሚት ቅምየት ረኣሰን ሳዋ እግል ትምጸእ ኢትቀድር፡ ተዕሊም ኩሉሸይ ቱ፡ ኢትዐለመ ምን ጉብኢ ዋጅቡ ኢለኣምር ወሐቁ፡ ለኢትዐለመ እተ መንበረት ለሰኔት ሰበት ኢህለ፡



ደረሰ መድረሰት ዋርሳይ ይክኣሉ ሳዋ

ኣወላይት ደውረት ኣሰክ እለ ለፈረው ኣንፋር ክድመት ወጠን ቅያዳት እንዴ ጉብኣው መርሖ ህለው፡

ሰኣል፡ ፍርሰት ሽባብ ሳዋ እት ኩሉ መራሕል ሄራርክ ከኣፍ ትሸረሐ?


በሊሱ፡ ፍርሰት ሽባብ ሳዋ ለትትወራረስ ቱ፡ ምን ቀደሚም ለጸንሕዎም ገዳይም መናድሊን ምን ጉብኢ ወዋርሳይ ብዞሕ ከሰቦ ወህቶም'መ እት ሐጠር ወበታካት ፍራስ ቶም፡ እት ቅድረት፡ ፈሀም፡ መትሰባል ወኢማን፡ ለሀደክ ለቀደሚሁ ዐለ ሰበት ልርኤ ወተቤዕ ትነቅስ ምኖም ኣለቡ፡ ሃውን ለከብጡ፡ ሸፈራት ለልኣሰሮ ወፈትሖ፡ ደባባት ወመዳሬዕ ለመርሖ፡ ደካትረ ለጉብኢ ወመሀንድሲን ኩሎም ሽባብ ቶም፡ ዲመ ለሸቁ ንኡሽ ቱ፡ ሰበት እለ ፍርሰት ዋርሳይ ጌዳን ኣለበ -ባትካም ቶም፡ ክል-ኣርት ህዩ ወቅቱ ሰበት ቡ፡ እምበሌሆም ለጉብኢ ሸይ ኣለቡ፡

ሰኣል፡ መሻረክት ናይ ገሌ ድዋራት ወጠን እት ሳዋ ሸባህ ብርድት ቱ ከኣለ

ተዕሊም እት ተቅዩር መጅተመዕ ዶሩ ኢልትዐሬ፡ እግል ናይ ዶሉ መስለሐት፡ ወለቱ ወወልዱ ምን ክድመት ለኣትረፈ፡ እብ መ-ስተቅበለ ኣጀኒቱ ልተልሄ ህለ፡ እት መድረሰት ለይኣተ ህዩ ሳዋ እግል ልትክሬ ኢቀድር፡

ሰኣል፡ እግል ሽባብ ኤረትሮፕ ለትብለ ልኣነት ምን ብከ በክት እግል ነህብ?

በሊሱ፡ ኣነ እግል ኢበለ ለሐዜ፡ ሽባብ ኤረትሮፕ ክድመቱ እንዴ ኣትመመ ወትዐለመ፡ ብንዮት ወጠኑ ህዩ ዋጅቡ ቱ፡ እብ ሰበብ ዋይዲባት ወመትኣታይ ካርጅ ቱ ድኢኮን፡ ሕነ መሻክል ኣለብኩ፡ እብ ሰላም ለሐሰት ደውለት ሕኩ፡ ሽባብክ ህዩ፡ እት ለኢነሬዕ ኣሸዩኦ እንዴ ኢልትደለሎ፡ ኣብሸርኩም ለዐድ ናይኩም ወናይ ውላድኩም ቱ፡ ኢትሐልፍ ኢትመኔት፡ ኩሉ እግል ልሰኔ ቱ ወደውለት ምተዕ እግል ትግብኢ እግልኩም ቱ፡ ሳኪን እምበልኩም ለትጉብኢ ሰበት ኣለቡ ክድመትኩም ኣተርዶ፡ ለኢከድመ ሰበት ኢረክብ እብሎም፡



ፈደሬሽን ኮቦሪት እግር ኤሌሜንቲ ናይ ምደርቢን ተጽላል ህሊ



ፈደሬሽን ኮቦሪት እግር ኤሌትርየ፡ ምን ዮም 17 አስክ 21 ጁላይ እግል ፈዳብያም መደርቢን ኮቦሪት እግር ተእሂል ፍንቱይ ክም ሀቡ ዕላቃት ዓም ናይለ ፈደሬሽን አክደ።

እሊ እግል ስታት ፈረንት መውሀባት ኮቦሪት እግር (Talent Identification) ለትህየብ ተእሂል፡ ምን ሰድሲቱ አቃሊም ዐድነ ለመጽአው 30 ምደርቢን ምን አንሳት ወሰብ ሻረከው ዲቡ።

ሻምፕዮን ሾሊቦል፡ አቅሊም ምግብ ዮም ተምም ህሊ

ሻምፕዮን 2ይ ዲቪዥዮን ኩዕሶ መርብብ ዘባ ማክክኔ ናይ መዛዘሚ ጸወታ (Final Game)

ሰኒት

አሰባሽ

ሕውነት

ሰካም

ዕለት፡ ረቡዕ 26/07/2023
ሰዓት 8:00 ቅ.ቀ
ቦታ፡ ቦቛፊልያ

ኩዕሶ መርብብ ንኹኩ ኣብ ኩኩ!

ሻምፕዮን ትልህታት ሾሊቦል ካልኣይ ዲቪዥዮን አቅሊም ምግብ፡ ዮም አርቡዕ እት ቦቛፊል አስመረ ተምም ህሊ። እሊ ዝያድ ሐምስ ወሬካ ለአተላለ ጅግራታት ስብስቦ ፈሪቅ ምን አዋልድ ወውላድ እብ ዓመት ዐስር አርብዕ ፈሪቅ እሹፋክ ዐሊ።

እብ አሳስ ናይለ አውላይት ወካልኣይት ደውራቱ ለትረከቡት ፍገራት ለጅግራ፡ እትለ ናይ ዮም ምዕል መርሐሊት ካስ ባጽሓም ለህለው ፍረቅ አዋልድ ስኒት ወአስባሽ ክምሰልሁ፡ ምን ፍረቅ ውላድ ሰላም ወሕውነት ቶም ለልተልሀው። መሻርከት ፍረቅ ካልኣይ ዲቪዥዮን፡ እት ክል ትልህታት ድቅብት መጃገሪት ወአደብ ስኒ ልትረኤ ዲብ ሀሊ፡ ተሰጃዕ መአደደት ክም ትወሰከዩ ትልህታት ስኒ እት ገርም ክም መጽእ መመቅረሐቱ ለአፍህም።

እሊ ዮም እት ካቲመ እግል ካስ ልተልሂ ለህለ ፍረቅ አዋልድ፡ እብ እምጽእ ለህለ ቦቃዕት፡ ትልህታት ስኒ ክም ልትረኤ ሰእየት ህሊት።

መደርቢንል ፍረቅ ሾሊቦል፡ እብ ፍረቅ ብጽሕት ለህሌት ደረጃት ዲብ ሸርሒ፡ “ፍገራት ትልህታት ግሩም፡ አሳስ ግራስ ሩት ክም ቱ እት ሸርሒ፡ ለፍረቅ ቦቃዕቱ ቅሩብ ሕድ ክም ተ ወዲብ አደብመ ስኒ ብኩያም ክም ህለው አከደው።

እት ፈሪቅ ፈረንሰ -ፓሪስ ሰይንት ጄርማን ለልተልሂ ወድ 24 ሰነት ኪልያን ኤምባፔ፡ ምስል ፈሪቅ አልህላል ናይ ሰዑድዮ እግል ልትሓበር፡ አልህላል 700 ሚልዮን ዩሮ እግል ልድፍዑ መዛወደት ካሪ



ኤምባፔ፡ ለቀለ መተልህያይ ዐለም

ፈሪቁ ወአርወሐቱ ሰላዲ፡ ለቀለ መተልህያይ ዐለም (ዲብ ኩለ ጅንስ ርያደት) እግል ልገበእ ቱ።

ኤምባፔ ላኪን ትከቡት መኢፋሉ አስክ እለ ለትህየቡት ሐብሬ አለቡ። ፓሪስ ሰይንት ጄርማን ላኪን ናይ 300 ሚልዮን ዩሮ ቼክ እግል ልንሰኣ እቡ ክም አተፈቀው ለከበር ለአክድ።

ኤምባፔ ሐቀ ሰነት ምስል አልህላል ናይ ሰዑድዮ፡ እተ ሕልሙ ላቱ ፈሪቅ ርያል ማድሪድ ክም ለአቀብልመ እመር ህሊ።

እለ ሰላዲ ኤምባፔ፡ እብ ተፍሊል ምን እንርእየ፡ እት ሐል 700 ሚልዮን ዩሮ፡ ናይ ወሬካ ማህየቱ 58.33 ሚልዮን ዩሮ፡ እት ክል ሳምን

ዱር ፈረንሰ፡ ሰነት 2023 ተመ



ዱር ፈረንሰ 2023፡ ማሌህ ሰንበት ዐባይ ናይ ደንገብ መርሐሊቱ አትመመ። እትሊ ወድ ዲንማርክ መትባድራይ ዐጃላት ፈሪቅ ጃምቦ-ቪዝመ ጆናስ ቪንጋርድ ህዩ ዕዉት ፍሌንዮት ህርድዮት። ፍሌንዮት አክደር እብ ለትዐውተ ህዩ፡ ጃስፐር ፍሊፕሰን ምን ፈሪቅ አሊፍሰን።

ወድ ኢጣልያ ዩልዮ ሲሲ ምን ፈሪቅ ሚድል-ቴክ ናይ ስጋደት ሐየት እንዲ ገብኡ፡ ፍሌንዮት ሕልዊት ላብስ ህሊ። ምን ለነእሸው ሸባብ መትባድራት ዱር ፈረንሰ ህዩ፡ ዲብ ፈሪቅ ቦራ ለልተልሂ ዩሮዲ መሰ አውላይ፡ ምን ፈሪቅ አሊፕሶን ፊሊፕሰን ካልኣይ ወእት ፈሪቅ ኢንተር ማርቼ ናይ ቤልጁም ለልተልሂ ቢንያም ግርማይ ሳልሳይ ተዐውተ።

እት መርሐሊትመ ኤርትራ ቢንያም 6ይ ሰበት አተ ምን ልሕሰው ዐስር መትባድራት ናይለ መርሐሊት ገብኡ። ቢንያም ምን ኩለ አፍራቀ እብ ዐጃላት እት ለዐበ ጅግራታት ሻርክ ለህለ ሰበት ቱ። ለሕሰ መትባድራይ ዐጃላት እንዲ ትብህላመ ፍረቅ ብዘከ ልትባደር ዲቡ ለህለ ዐጃላቱ ቱ።



13.3 ሚልዮን፡ እት ክል ምዕል 1.9 ሚልዮን ዩሮ፡ 79,900 ዩሮ እት-ክል ሳዕት፡ 1,332 ዩሮ እት-ክል ደቂቀት

ወ22ዩሮ ዲብ ክል-ካልኢት ትመጽእ ህሊት። ዐጃይብ ቱ፡ አክል እሊ ማል ዲብ መተልህያይ ኮቦሪት እግር!

ሐረከት ገሮብ ውጃዕ ናይ መትሐማል መቅደረት ተዓቢ

እት ደውለት ነርወይ ዲበ ለገአ ድራሳት ሐረከት ገሮብ ለወዱ አንፋር ምነ እብ ብዝሐ ለልትገሰው ወለዐል ውጃዕ ናይ መትሐማል መቅደረቶም ለትወቀለት ክምተ እግል ልትአመር ቃድር ህለ።

እትሊ ድራሳት ሐረከት ገሮብ እብ ርቱብ ለወዱ ናይ መትሐማል መቅደረቶም እግል ትትወቀል ወውጃዕ ናይ መትሐማል ክም ቀድሮ እግል ልትወዳሕ ቃድር ህለ። መመቅረሐት ናይለ ድራሳት ሐረከት ገሮብ ውጃዕ እግል ለሃድእ ለቀድር ኪማእያት እት ገሮብነ ክም ጠውር ቱ ለሸርሐ። ህቶም ሐረከት ገሮብ እግለ ምንቅሩብ ለልደረር አሰውድ ወመፋሰል ገሮብነ እግል ለአተርድ ወሓለት ዐቅልነ እግል ለአዘድ ክም ቀድር እንዴ አትለው አፍህመው። እብ ሐረከት ገሮብ ለትጠወረ ዐቅል ህዬ እግለ እት ውጃዕ ለህለ እግልነ ፈህም ዲቡ ተእሲር እንዴ ወደ ውጃዕ ናይ መትሐማል መቅድረትነ ክም ለዓቢ ወደሐው። እትሊ ዲብ ዝያድ 10 አልፍ ሙሽተርከት ለገብአ ድራሳት ሐረከት ገሮብ ለወዱ አንፋር፡ ምነ እብ ብዝሐ ከፍ ለሉብሎ ውጃዕ መትሐማል ዲብ ቀድሮ፡ ምኑ ዲቡ ህዬ ለእብ ብዝሐ ሐረከት ገሮብ ለወዱ ወለ ሐድ ሐረከት ገሮብ ለወዱ ወለዐል እግል ልትሐመሎ



ክም ቀድሮ ሸርሐው።

እግልሚቱ ሐረከት ገሮብ ውጃዕ ናይ መትሐማል ለትወቅል እቡ እብ ዋድሕ ምንመ ኢልትሸራሕ፡ ቀደም እለ ዲብ እለ አርእስ እለ እንዴ

ረከዘው ዲበ ለወደው ድራሳት ላኪን፡ እለ ናይ አዜ ብሐሳት ዲብ ለትፈናተ ነሻማት ለልትፈረር እብ ብዝሐ ለሻረከው ዲቡ ደማነት ለቡ ክምቱ እብ ለትፈናተው ባሕሲን ልትሸራሕ ህለ። ሐረከት ገሮብ ክም ደዋ ወመዳፍዓት ዳይም አምራድ ምን ገብእ ረያም መደት ዋድየት ህለት። ምን መትገሳይመ ወለ እግል ሐድ ደቃይቅ ሐረከት ገሮብ ውድየት ልትሐፊ። ለገብአ ነፈር እት ሐያቱ ዲብ ክል አምዕል እብ ለትፈናተ አግቡይ እግል ሊደዩ ወጅብ። እለ ህዬ ምነ እብ ለትፈናተ አሰባብ እግል ልምጸእ ለቀድር ውጃዕ ናይ መትሐማል መቅደረት ለልዓቤ ክምቱ ለባሕሲን ሐበረው።

መቅደረት ፈቂድ እግል አተረዶት

- እግለ ጋር ዲብ ዐቅልክ አሰበቀት። ሰልፍ ጠቢዕያይ ቃኑን ፍቅደት፡ እግል ትፍቀዱ ለትሐዜ መውዱዕ ዋድሕ አሰክ ገብእ እግልክ እንዴ አተረድክ ሕፊዙ። እለ እግል ትውዴ ህዬ እግለ መውዱዕ እንዴ አቆሪክ እግል ትርአዩ ህለ እከ። እግል ዎሮ መውዱዕ ሰነት ካምለት ምን ለዐል ለዐል ምን ርእየት ናይ ፍቅደት መቅደረትክ እግል አተረዶት እግል ሐምሰ ደቂቀት፡ እብ ካምል እህትማም ሕፍዘቱ ለሐሰት ነቲጀት ለሀይብ።
- እንዴ ደጋገምክ እብ ሰቡቱ ሕሰብ፡ ለካልአይ ጠቢዕያይ ቃኑን ፍቅደት፡ እንዴ ደጋገምክ ሕሰቡቱ። እብ ሰበት ለሓዚሁ ለህሌክ እንዴ ደጋገምክ እብ ሕሰበት ብዙሕ እግል ትፍቀድ ክም ቀድር ወዴከ። እግል ቲደዩ ለሐዜክ እንዴ ደጋገምክ በሉ አው ህዬ ሕሰቦ። ዲብ ሸቁል አውዕሉ። እግል ትፍቀዱ ለትሐዜ ክም መሰል ሐዲስ መውደዕ ሐቆ ገብአ እት ክል ሂጋክ ትነፋሳ እቡ። እብ ዕመቅ እንዴ ኢትፍህሙ እንዴ አቀመጭክ ደጋገሞቱ ላኪን ሰኒ ኢኮን።
- ምስል ብዕድ መዋድዕ አጸበጦት፡ ለሳልሳይ ጠቢዕያይ ቃኑን ፍቅደትቱ፡ እግለ እግል ትፍቀዱ ለትሐዜ አርእስ ምስል ብዕድ መዋድዕ አትቃረብ። እለ በህለት እግል ትፍቀዱ ለትሐዜ መውደዕ ምስል ቀደም እለ ተአምሩ መዋዴዕ እንዴ አጸበጦክ ናይ ፍቅደት አግቡይቱ። ለትጠወረ መቅደረት ፍቅደት ዲብ ለትወደሐ አግቡይ አጸበጦት ለረከዛቱ። ወድሐት አጸበጦት መ ዲብ ክልኤ መውደዕ ልትሐደድ። ለዎር እምበል አትካራም አጸባዋ ገብእ እት ህለ ለካልእይ ህዬ እበ ለሰጀልናሁ እግል ነአጸብጡ ለእንቀድር እቡ አምር ለልትሐደድ ቅያሰ ቱ። እትረአስ እለ ካፊ ሳዖታት ሰኩብ ሀለዮት ህዬ ዶር ዐቢ ክም ቡ ልትአመር።

10 ፍንቲት ሰወር ርክብ



ሳድስ ወራር እብ ካርቱን



በህል እመራም

- “ምን ለሐልፈ ዲብ ሓድር ጀላብ እግል ትሄርር፡ እግለ ለሳደፈተክ ሸንርብ እግል ትትክበተ ብከ።” ፓውሎ ኮልህዮ
- “ግርም ሐያት ለትትበህል ዲመ ፈርሓን ዶል ገብእቱ። ግሩም ሕልም ህዬ (ናሉየት ለቡ) ዶል ትትሐለም፡ ብዙሕ ዶል ትትሰሐቅ ወእብ እተይክ አክል አዩ በዐል በክት ክም እንተ አው መድሐር ክም እንተ ዶል ተአንተብህ ቱ።” ለኢትአመረ
- “እግል እለ አምዕል፡ አምዕል ፈርሐት አው ድንጋጽ እግል ኢደዩ ለሕርያን ናየቱ። ማሌ ለሐልፈት አምዕል ፈጅርመ ሙተአክድ እንዴ ገብአክ ለኢትትሃጌ ዲበ አምዕልተ። አነ ለአምረ ሐቱ አምዕል ሌጣተ። ህተ ህዬ ዮምተ።” ጉርጆ ማርክስ
- “ናይ ፈጅር ብዳየት ዮም እንዲኢኮን ፈጅር ኢኮን።” ጆን ፓወል
- “እተ ለሐልፈ ሰኖታት ርሕዬ አሰቡሕ - አሰቡሕ እምበል አትካራም ዲብ ምራየት ርኢክው። እግል ነፍሼ ህዬ ክእኒ እት እብል ክልዶል እሰአሉ፡ “ዮም ለናይ ሰልፍ አምዕል ምንገብእ ሚ ወወዴኮ?” ክል ዶል ህዬ ክእኒ እት እብል እበልሱ ምነ ለሐልፈየ አምዴላት ለበዘሕ አምዕሎታት ህለ። ሰበት እለ ዎሮ መውደዕ ለአመርክዎ ርሕዬ ምን ዮም እንዴ አንበትኮ እግል እቀይረ ክም ብዬቱ።” ሰቲቭ ጆብስ